

厚山集



[해제]

이 자료는 한국 가사문학관에 소장된 미 해제 자료로 “日吉兮辰良欲致君兮穆將望石垵兮炷香羅桂醕兮陳椒獎佩 玉鳴兮璆鏘拊長劔兮吹笙鼓簧神之降兮山之陽” 후산집권지일 에 수록된 국한문 자료이다.

[목차]

厚山集

厚山集卷之一

詞賦

懷仙壇祠后土詞

懷德殿迎送神樂歌

駙山九曲歌

松都賦

詩

築水月臺於月明山下溪邊巨石敬次朱先生感興詩第十篇韻以示同志

照寒齋雜詠

江城古意

龍山詞

閨怨

奉賀朴清遠

奉和韓希騫見贈韻

題梅溪鄭學士

與李學士

遠溪草堂夜飲奉呈宋上舍原明

過雲潭精舍

奉和宋君周服

與權石愚

與朴貞山及族姪致三

宿許英七

輓沈默隱文

贈族君安甫

寄權君相三

河君叔享

與權明湖遊仙遊洞

權石樵道敏

挽朴鶴山文

奉和宋德中

會稽客館贈別李小松

讀雙梅實紀有感

仲春同閱洛卿

雪夜寄文周尙
謹次李公
奉和族君
同文益和
題李惠山
九日晦日與諸同志登赤壁鳳凰臺
示族生安甫仲實
題方丈山頭流洞張德奎
權應韶
乙巳七夕同明湖及諸友會飲新安社
挽族叔
挽朴丈南紀
奉和許蒼崖
和文善鳴
張君大而見訪
同張大而宿安峯
過鳳溪无悶堂舊居
謝李士重
次訪隨齋韻
雙溪歸路準汝族兄得鱸酌酒
過白雲洞憩南冥先生手植松下
山齋對月
奉呈良齋田丈
奉和松菴閔令
將之遠溪學松翁
觀瀾亭贈閔君童汝
石南精舍訪宋原明不遇
送崔舜瑞之吉州
申明菴
同崔君敬存
與崔鎮文
被雲齋兄
挽許南黎丈
訪族姪永煥
權進士石山
四友堂夜坐懷鄉
夏日偶成
次睡仙樓韻

同小能族兄善日李正字乃變遊大德山風穴
題鰲山精舍壁
謹次良菰亭板上韻
訪許君恂明松玉果之玄井戲呈一絕
待沈石圃
綾州白巖林社與文氏諸雅共賦
訪趙成汝鶉子江幽居
同高道一石弘諸朋友登良菰亭
考巖齋謹次淵翁板上韻奉呈朴子商
同林希瑞趙秀汝會飲于林璣周夢虎堂
次趙秀汝超然亭韻
過岳陽憶鄭兄應極
李君敬夏
挽閔聲遠
挽稽黎姜文一
挽文章善
金貞伯金甫見諸彥見訪
送別江左諸生
錦湖朴鎮五
卽事
奉和鄭敬夫
與諸同志行鄉飲體於崇義齋會宿于觀瀾亭
海沙權舜益見訪
謹次戌山碑落成韻
挽趙鶴圃景一
挽河府使殷巨
七月望日與諸同志會飲于鍾山
鍾山對月
蘆山會飲
示朴生仲彥
潛溪趙成汝見訪
入山
敬次尤翁巖棲齋韻
仙遊洞
宿彩雲菴
飛來菴謹次板上韻
贈閔昇彥
題復齋趙士欽

用陶靖節四時戲題竹醒鄭丈後澗亭壁

全君明可見訪

奉呈稽樵閔臺丈

奉呈李兄致中

挽復齋趙士欽

李君仁甫見訪呼韻共賦

次四宜亭原韻

題雲谷幽居

謹次李小松川上亭板上韻

訪李君極重

奉呈直菴李文顯

題趙永五

挽月洲河丈

謹次花林洞全氏松亭韻

挽梨谷河丈

謹次達城夏氏敦睦齋韻

訪悟齋夏兄善範

山齋夜坐

挽朴承宣鵬舉

挽西溪文敬叔

次金丈永祚竹潭原韻

都國元

挽族兄致彥

謹次思隱文先生孝子碑閣移建韻

風雨詩寄文君善鳴

白馬江紀行

登水北亭

宿新義州白孝甲旅館

奉呈金志山

挽族丈敬奎

次金竹潭鰲山亭韻

訪李汝老西山新築

奉和文暢窩原韻

九日同金華允

次晚悔亭板上韻

挽泰一族兄

謹次述古堂原韻

哭李南吉

登慎氏蘆溪影碧樓
題蘭圃李上舍
宿鄭氏黃山亭
雪夜與德七共賦
哭族兄漢明
哭族弟致中
挽約山許英七
秋日同郭仰汝成鍾澳姜元實遊頭流山紀行
同金滄醒
統營回路訪朴聖安不遇
訪鄭敬夫柳川幽庄
用生字韻賀文明仲
浴溫泉宿文永瑞綠川幽庄
文博士正中諸朋友遠餞于梵魚寺
奉呈文君士明
哭金滄醒
挽月樵朴清遠
題紫山精舍壁
挽族叔殷見
曉坐
自嘲
與金國彥
奉贈文生
挽趙仲見
重陽訪金君翊木洞幽居二首
訪林希瑞不遇
李東川席上獅瓶聯句
訪黃君道洪大田幽居
與金君重敬
謝鳳里文君
次鄭君啓先
謹次暎碧亭板上韻
悼李鳳圭
甚雨有感裴孟汝
贈別梅潭裴孟汝
題裴氏繡林書堂
擬古詩贈裴君泰宗
贈兢齋族君

蘆溪草堂與慎應三雪中對酌
東山齋奉酬誠齋尋源齋二尹兄
輓族君致
悼族生景珍
敬慕齋與李致允
竹山族叔致洪教子欲速作詩喻之
快哉歌
次金元五農隱幽居韻
贈宋吉洙
留別柳川黎子善
奉贈李泰賢
蓮坡草堂有感
輓趙信五
哭儉齋表敬來
輓尹誠齋
贈表君允集
贈宗生仲烈
毛里浦與族弟舜功
過沈乃進
和閔舜章
題河穀卿
贈趙文享
述懷寄綺山吳正鉉
次文周尙大人回香韻
奉呈陶山李熙章
題沈應進
輓沈石南應魯二首
訪東菴具性郁
題具性郁晚尋亭
贈崔君善長
奉呈族叔應瑞
次素軒居士回甲韻
輓戚丈郭擇賢二首
贈文一
題李汝見
李汝見河公賢相送于宗人德華醉汕堂
輓李聖三
贈李君子膺

謝黃舜舉

題文林浩然亭壁

奉和李而重

輓鄭竹醒

留宿郭仰汝夜坐書懷

輓趙林坡

題文鍾龜大夫人高氏孝烈閣

贈文生袁泰

哭金士重

次吳氏源泉亭韻

哭一谷李兄

謹次許秘丞止愼亭韻

次許禹榮

登道山堂有感之作

訪族雅

題閔寢郎浦上別業

挽安湖文明中

次河君聖洛

冰月亭

登文氏永慕齋

登南江亭

文生丞來從遊於天冠山下

奉和蓮隱堂原韻

訪金貞亮

謹次安五峯

與曹國洪文章元携酒登龍門堂

入天冠山中訪魏兄雲汝

登魏氏長川齋

上己日入淵谷書院與諸同志共賦

過朝陽吊文兄聖大

聊賦二首

石猴人聯句

鍾山雨中聯句

輓李致允

題金章五晦溪堂壁

訪金君

湖南歸路懷李伯彥

題柳氏棣華堂壁

挽族叔應瑞二首
感興
挽全菊圃
愚堂客館酬金石友
關東紀行
哭金仲賢
哭全國卿
帶方歸路轉入三峯訪李上舍禹洪述懷
姜君子翼
題族弟聖模尼沙堂壁
和族弟性謙
哭沈亮彥
訪崔善範幽居
癸酉冬同崔善範曹性直柳孟茂會于魯岡齋
哭崔鎮文
挽朴膺玉
挽李子膺
醉贈松圃全文國
挽李良雪
築洗塵臺於村後與全文國共賦
萊山瀑布
蒼玉盤
萬林社
雙溪亭和山南族弟如日
挽丁湖隱
趙君大睿見訪
哭龍南族君舜九
挽華圃鄭啓先
同金重玉吳雲從諸彥展拜一齋先生墓下
贈丁聖洙南鎮永鉉諸君
一齋林山庄爲山僧所奪詩以傷之
訪柳景肇
賀族弟元善
哭閔檣山邦瑞
哭閔性均
哭崔陽齋子雲
題率鴈聽琴臺
挽金重溪景陽

題蒙齋壁

步和鄭享櫓泗陽齋板上韻

奉和兢菴周德彥

與河毅卿

訪族君聖模沙月幽居

挽玉泉文允一

宿族君享煥

聞族君華秀

奉和梅南齋韻

奉和全君文玉晦溪堂韻

挽文君晦叔

水雲亭示鄭達永

望春臺與諸族生共賦

李周汝

宿俗離寺

訪尹彰漢南溪別業

挽金竹潭丈

病中偶題

厚山集卷之二

書

上淵齋宋先生

上淵齋宋先生

上鄭文山

上鄭文山

上鄭文山

上趙月臯

上金重菴

上奇松沙

上郭俛宇

上金約泉

上柳龍溪

上李判書

上權校理

與宋衛率

與鄭承旨

答鄭觀察

與金承宣

與族兄月淵

與族丈尤山
與族姪晦山
答權子厚
答金周胥
與宋原孝
答全彝叔
答全彝叔別紙
答曹景行
答鄭應善
與安進士穉章
與楊希道
答韓希穉
答族君景温
答李校理
答宋舜佐
與閔武伯
答安景元
與族姪應章憲洙
答朴玉汝熙理
與金松隱
答許判官
答金華允別紙
與鄭衡七
與朴鎮五
與金秘丞
答朴翰林
與尹公瑞
與朴聖章
答趙子雲
答金松溪
答權道中
與朴治爽
答李希瑞
答文周尙
答文周尙
答族孫子敬
答族孫子敬
與河聖洛

答李致達
答族弟性謙
與崔敬存
答李敬直
與權應現
答鄭性七
答梁聖贊
答李致善
答族姪安甫
答鄭乎彥
答沈景晦
答文希道
答李仲實
答李仲實問目
與姜茂汝
與韓道章
答朴文一
答文子華
與李奇彥
答族君豐烈
答諸道源
答族姪伯述
答族姪伯述問目
與吳景台
答族姪孔賓
與族姪享煥
答宋希舜
與李周憲
答李奇彥
答玉山影堂儒生別紙
答李性華
答李子文翰熙
答文德夫
答金和允
與鄭宅新
答族弟孔承
與族姪享彥
答閔薰卿

答李采汝

答姜元實

與族姪施普

答族孫華允

與金士仰

答族姪聖薰

答宋武卿

與崔靜仁

與李仁瑞

答九龍齋諸生問目

答梁柱鎬問目

答宋

答全子儒

別紙

與朴政植

答李章夫

答吳在坤問目

[원문]

厚山集

厚山集卷之一

詞賦

懷仙壇祠后土詞水雲亭開基時壇在亭後

日吉兮辰良欲致君兮穆將望石垵兮炷香羅桂醕兮陳椒漿佩
玉鳴兮璆鏘拊長劔兮吹笙鼓簧神之降兮山之陽
山之陽兮晝誰留若有人兮江之洲被服江籬兮木蘭舟采杜若
兮溯流思遠人兮夷猶日云暮兮將焉求心惻惻兮離憂
靈皇皇兮駕飛龍風颼颼兮雨溟濛連蜷兮山之中飲石泉兮翳
長松用錫福兮無窮呵禁不祥兮賴神功

懷德殿迎送神樂歌

鎮安士民營建懷德殿於馬耳山駐蹕臺傍將用桂林郡
虞帝廟已例祭李太祖太宗二先王余作此歌以遺鎮人
使奏于廟以伸風泉之感焉
習容觀兮宿齋吉日兮辰良佩秋蘭兮陸離璆鏘鳴兮琳琅潔樽
兮肥俎荔肴蒸兮椒漿黃流瓚兮茅籍合蕭膏兮蕪香承筐兮實
幣拊鼓兮挹瓊兮
夢金尺兮登歌歌飛龍兮御天夢金皆尺龍飛御天太廟樂歌名沛皇澤兮無疆
何此後而彼先靈皇皇兮既降覽漢洲兮蠹然
山有榛兮濕粟彼美人兮胡爲昔禱賽而柴望兮聊翱遊兮念茲
匪黍稷之維香兮昭厥德而格思

右迎神三章

皇之靈兮洋洋紛陟降兮庭止俯故宮兮一嘅晝誰留兮山之趾
寒日兮無光風颼颼兮忽起
龍駕兮天門焱遠舉兮雲中與日月兮齊光橫四海兮焉窮
皇之仁兮淵淵子我民兮未敢忘未敢忘兮沒世於戲兮前王

右送神三章

騏山九曲歌

어아우리 벗임네야 절머실제 구경가새
 蓬萊方丈 구경말고 騏山泉石 차자가자
 武夷九曲 귀로듯고 高山九曲 가서보며
 巴串九曲 歷覽하니 耳聞目睹 하던中에
 이런名勝 쏘잇스랴 이내술잔 停止하고
 九曲歌을 들러보소 一曲은 어대인고
 風穴冷泉 차운氣候 김흔여름 頓忘하다
 三友堂中 舉義할제 勉菴先生 오시압고
 千仞崗頭 鳳凰臺에 東方一士 淵翁之一號 올라쏘다
 우리先師 기년後에 月浪山川 빗치나네
 二曲은 어대인고 睡仙樓下 김흔물에
 거복못시 宛然히네 洛龜呈瑞 하얏스면
 八卦기림 그러내야 吉凶消長 알지로다
 三曲은 어대인고 廣大峯의 天然態度
 玉女下降 하얏고나 九折杖을 놓히집고
 龍淵瀑布 귀경後에 甘露水을 잔질하고
 洗頭盆에 沐浴하니 半日神仙 내안인가
 四曲은 어대인고 萬壑千峯 김흔곳에
 龍바희가 이안인가 臥龍先生 英雄男子
 龍馬기림 아라니야 八陣圖을 버러놋고
 漢室興復 하얏서라
 五曲은 어대인고 騏山精舍 어게있네
 太祖太宗 駐蹕한대 淵勉兩翁 愛國思想
 七分像에 나타나네 朝夕瞻拜 하난弟子
 江漢秋陽 懷抱집다
 六曲은 어대인고 天上窟 冥冥한대
 懶翁禪師 어대가고 飛花啼鳥 天機로세
 騷人韻士 노년구나
 七曲은 어대인고 平林烟雨 空濃中에
 金塘절이 巋然하다 절貌樣 蕭瑟한덜
 우리선배 相關하랴
 八曲은 어대인고 鳳頭窟 다다르니
 丹穴이 班班하고 五色새가 별다르다
 이산에 수문선배 龐士元이 안이신가
 九曲은 어대인고 馬耳山 奇絶形像

金으로 목그고 독으로 솟은峯이
말귀갓고 童佛갓치 重重이 羅列하니
采筆로 그려내도 形容치 못하것다
이 景致 못다보면 平生遺恨 되오리라

松都賦

奧以昭陽赤奮若蕤賓之月涉漢水而過都兮夕余次於金浦朝
發軔於高陽兮飲交河而亭午騰飛車而奔走兮曾不瞬此松京
瞻松岳而興吁兮懷前王而不忘麗氏起自匹夫兮乘九五之飛
龍統三韓而爲一兮克剷除夫群兇猶未免乎夷虜兮以慈悲而
爲聖崇佛宇於邦域兮羌此衰而彼盛曰文安之耿介兮觀上國
之廟宇建國子於何地兮太平館之西部中罹燹而鞠茂兮晦老
用夫唔歎購塑像而貿書兮肇設講於土園士橫經而雲集兮六
子侍側閭閻納田宅於學宮兮太廟東之成均覽寒泉之祠賢兮
取舍何其不公過益齋之故墟兮望柳巷之遺風嗟肅惠之荒淫
兮遭蒙古之深恥曾不悛乎舊愆兮待儒者以沙里彈鳥雀於東
岡兮梅祖爲之數陳逮僧辛而猖披兮宗枋以之墜剝壞亂極
而思治兮紛吾道則肇啓曰牧圃之眞儒兮與樵陶之伯祖以斯
文而爲任兮接朱氏之統緒馳余馬於月臺兮想諸隱之風韻忽
偃息於竹橋兮覽片石之血痕厭城市之腥塵兮指極浦而爲期
襲荷裳而詔伊兮濟碧瀾而西爲吾將至於石潭兮訢素衷於先
師

詩

築水月臺於月明山下溪邊巨石敬次朱先生感興詩第十篇韻以示同
志

仲尼開群蒙君子學爲己四勿與三省治身大法紀戒懼操存功不可斯須止
庭草看生意泥塑見敬禮恭惟千載訣山月映臺水考亭有遺歌仰感前聖軌
丁亥夏構照寒齋于水月臺西畔會鄉父老燕飲以落之父老命余呼韻爲愛林邱卜此隈嵐光浮碧澗聲來囂塵不
染仙遊洞古鏡重磨水月臺虎尾春永方寸活尸居淵默八牕開對越陳篇千古近滿庭寒竹興悠哉
照寒齋雜詠

大聖山

從古名山埋沒於孤峯祇有一禪廬闍梨看作渠家物大讀韓文欲火書

大隱屏

此山何似武夷山萬古靈山寒水潺九曲櫂歌餘韻在分明投與別人間

仙遊洞

足着飛雲朝玉京諸仙要我坐三清人間不信黃梁夢且就尊前酒一傾

玉流澗

我且恣遊流玉涓一尊春酒一篇詩樵客不知吾所樂日暮東風歌子規

流觴曲水

白石磨礪列坐群飛觴迴水屬慙慙至今刺說蘭亭事江左風流擅右軍

銀漢瀑

誰把銀漢掛石端老龍噴雪谷簾寒獨坐凌兢雷灌耳名區不許世人看

上下洗頭盆

尋眞我訪洗頭仙聞說洗頭度永年區區莫討塵間飲眼碧神清禁火烟

桃花潭

諸山環拱兩峯巒千尺深潭碧且寒桃花不語溪成路客到尋芳意未闌

暮雲壁

危巖高出暮雲端被了羊裘五月寒釣臺歌罷仙人去一士何年到此間

小隱屏

步隨流水石橋橫壁立千巖似列屏魚龍起拂溪雲色忽見峰頭兩意生

振鷺灘

羊腸九曲水泱泱巖上雲山萬古蒼漁翁獨釣寒溪雨白石莓苔鷺振翔

臥龍瀑

臥龍懸瀑石龕中物色廬阜面面同晦父先生先獲我高山獨仰武侯風

洗雲菴

舊日禪菴于彼西祇今芳草但萋萋恒沙古塔鍾聲斷月落空山杜宇啼

處士巖

仙翁無跡白雲悠仙窟寥寥水自流休道延年方士術秋風蕭瑟漢王頭

石門

寸丈層臺白石漪碧雲深處晚風吹巖前有客迷冬夏擊析晨門笑仲尼

照寒齋

幽人代木青山南白鹿遺風得來諳縱無千里鷄黍待麗澤今朝益者三

水月臺

睡罷巖間意欲閒皎皎寒月水中看聖言千載傳十六令人擊節腹三歎

石潭

石潭山水擅靈名天借詩豪樂未央日喚虛汀風正歇魚兒驚聽落花聲

玉女峯

亭亭玉女歷捫星幻化春容太娉婷戒爾當年多楚夢荒臺雲雨也冥冥

嵒德邱

嵒德邱邊野草春風朝零露幾行人秋秋侃侃誰家子鳴佩相尋寂寞濱

石潭

石潭多壯觀不遇衆人目千載有神交洞中病者復

琴灘

噴薄起風雷鏗鏘碎碧玉洋洋者伯牙到此不成曲

釣臺

中流出一巖水碧蒼崖色猶釣潭心魚清風釣不得

船巖

屬屬巖成船天工造成泄無人來問津獨載一川月

龍興寺

臥龍蜿蜒來偶作諸天雨蒼海變桑田寒蟬叫老樹

復齋

屏翁三字符我欲書諸紳道遠日云暮冥棲冀自新

鷄抱堂

抱印未成雛鷄應自棄子讀書不學朱人孰謂之士

英華閣

儲書數百卷肯似畜千金先祖有明訓日星如照臨

花葉門

玉樹與明花東風開寂歷相繼報王春忍看時憲曆

剡溪精舍

先子讀書地叮嚀白鹿場泉聲通晝夜孺慕與之長

晚翠社

遲遲澗畔樹鬱鬱復蒼蒼大父種來日無窮裕後情

聞寒亭

一樹庇溪石窮炎聽晚蟬梓桑詩曰敬善護藏風烟

江城古意

南冥先生題罷後蝴蝶已飛江自流南冥蝴蝶樓詩有多少行人栩栩飛飛瞥眼皆非之句 孝子里中壇
杏老文忠宣公遭亂持母服不去敵感歎書勿害孝子而去其地有先生寺楨杏 孝子潭下水鯉游縣人李侃親宿冬
月求魚於是

潭侃斫永而沒於水其子之寶抱侃拯之入水而死壁間大字尤老書尤菴謫巨濟時過此書赤壁二大字村邊修竹
濯翁

休一蠹與濯纓方遊頭流山遇比而析叢竹爲杖賢山雪深子規號鄭雪谷以湍宗名節謫居于集賢山玉府清風徵
士

留都徵士病隱嘗遊仙遊洞有題詠 源塘別業今安在鳳去桐枯正堪愁先祖桐谷嘗築別業於此有詩曰看看枝
葉密斯可鳳棲停大笑何年賦歸去驪駒三疊忽值秋趙大笑軒來守是邦將賦歸九世伯祖梧月堂以詩送之曰忽
值秋風歸思決季鷹心事一般清 蓬萊謫客相送日新安江上泛孤舟姜寒沙謫蓬萊八世伯祖忠義衛公相送於比
江上及公沒寒沙以詩哭之已前秋我向蓬萊去送我新安江上舟古來賢達此婆婆高山景行我思悠戒爾樵
豎與行人勿剪伐十里句漏一般春莫釣得萬頃波中一尺鱗且摩挲千丈危

石二字眞人物百年舊江山萬古新臨風太息意酸辛

龍山詞

下床俯伏

隴西公本星州龍山里人世爲州之戶長後五子皆顯達嘗居家聞

府君喝道聲下床俯伏聲不聞然後復坐

始祖隴西公赫然自昭德諸子雖通顯戶長本我職每聞府官喝道聲暗室俯
伏伏不息君不見世人慕效郭崇韜盜竊名分人不識人不識天翁知烏黔鵠
白豈沐墨

百花軒

軒在龍山府郎文烈公藏修之所也公嘗作百花軒詩今詩揭客舍

東軒

堂下種百花堂上會百僚百花春燁燁百僚日驕驕一朝窮陰閉天地驕者摧
折燁者凋君不見堂上主人翁訟王之寃走燕朝丞相馬前頭寧碎吾君無罪
可昭昭嗚呼花中梅菊人中文烈公霜雪叢中獨清縹

彈雀諫

文烈公嘗事忠惠王王嘗步自北宮彈雀于東岡公徑進跪諫事載

麗史

君王莫彈雀彈雀殫民刃民力既已彈彈雀那可得先民有至訓細娛累大德
前鑑在彼回骨女寒風愁殺入上國

送老草廬

敬元公官侍中大提學封星山君諸子皆在要津嘗忌其履盛退老

于延鳳草堂亨齋公詩曰撥棄屋渠渠送老草廬中

富貴人所欲大舜視若無得志不爲數仞堂古人謂之大丈夫允矣敬元公軒
冕視泥塗父有文烈子文忠三世門闌數其朱永棄伐冰家退老窮巖枯瞻彼
窮巖爰得所居我廣居聊自娛

可留不留

慕隱公嘗以西京副元帥辭歸京山李牧隱以詩送之曰可歸不歸

韓山翁可留不留提學公

烈烈慕隱翁可留而不留可留豈無意不留亦有由國事非矣子思氏兄弟憂
兮司馬牛惟有韓山翁知我者春秋

陽花度

景武公同死世子芳碩撫安大君芳蕃亂於楊花渡事載史衆

陽花渡陽花渡陽花八月木不流諸子功臣今安在年年江草喚生愁世間若
無草陽老 貞陵心事可能酬

駒城碑

駒城今龍仁縣監公墓在平簡公墓右麓有短碣書云奉靖大夫行

結城縣監李某之墓妣位則書奉靖大夫行結城縣監李某妻延安

金氏之墓云云

我祖縣監公五馬出結城鳧舁載輿歸堂斧傍先塋夫人附于左短碣記姓名
奉靖大夫妻令人是法程書之宜書從夫職李某之妻何徑庭可笑今人文勝
質芻狗頭上畫虎成生進之妻監稱宜人之類是也

避禍行

禦侮公以成梅竹堂姨姪當 魯陵慘禍之時自龍仁大阿地兄弟

俱遯于丹城李雲翹 太宗朝流竄之說甚是孟浪

結城與梅竹同舅金郡事梅竹殉 魯陵夷禍勢將至禦侮諸昆季南遯懲厥

愆云何雲翹叟野史多謬記

鄭氏墓

司直公夫人鄭氏早世而報葬于先塋之下只育一女歸于陝川李氏

今陝李指以爲渠之先祖母李氏之墓尚未決案其墓在本郡德山洞

巍巍德山洞藏我禦侮公孤墳穿階下何時家奴出墓中司直夫人鄭氏女早

世而逝葬何豐報葬先塋下人心所大同嗚呼桐翁夫人季子竹老夫人外孫皆知禮九

原可作解我蒙

三水石

郡守公自三水賦歸行中無餘財但舟還三箇石擬爲三昆季身後之

用忠義衛公埋一石于江樓村後而厥石至今不現于世可勝歎哉

倚我郡守公出宰三水間歸來無長物珉石載舟還一石獻于兄埋藏江近于

世無雷孔章龍光何時出人間

越海問

辛壬之禍疎齋李相公謫于南海竹林公與通德公兄弟越海往問

疎齋歎曰公等獨不聞張儉之累延及於孔褒之兄弟乎公以見義

不爲無勇答之云云

國家辛壬間議論多橫決大臣流南海禍機窮泉徹竹林通德越海問孔褒孔

融誰能別

海東乾坤

英廟盡討南賊志徵等親述 教文大誥中外時丹城縣宰取 教

文句語中海東復有乾坤爲題試士於赤壁江上江村公詩有曰王

朝網紀一朝正從此南人反不復午人以公詩句中南人二字指以

爲隙卒以成黨禍

英廟全威日王網何陸沈南方諸不逞內懷不臣心振旅殲厥魁大誥絲綸音

作詩贊絲綸江翁心事深復深固哉爲詩彼其子釀成禍胎詎能謹

積累遺訓

曾王考處士公有隱德嘗固窮節食迎師貿書教月菴府君不肖邊
庭受讀府君每見不肖才鈍而煞用力於斯學誥不肖曰吾大父積
累之驗或在汝歟

昔我曾王考闇然自修德先君克繼述皓首窮經學義方教不肖從事儒鴻碩
不肖性鈍滯每加人十己千力過庭或承一語教大父積累汝真的不肖惟恐
墜先訓夙夜祇奉日乾惕紹述世美揭之詩時時箴警無厭數

閨怨

青青間畔松燁燁谷中芝皎皎東家女妍妍懷貞恣終日守空閨札札鳴寒機
刺出鴛鴦繡遙寄關山陞征夫猶未還死生未可知西隣有淫婦早起理雙眉
不勝懷春心如雲會河湄密密告征婦安樂都在茲棄爾空閨織盍往同觀之
征婦辭以醜向人泣涕洟結髮爲夫婦貪賤詎能離之死矢靡他聊誦栢舟詩

奉賀朴清遠禎和大人壽席

菴彼庭前松祝君堂上壽壽哉奚取松愛此長年茂

伏讀朱晦父十二辰詩掇其餘意作此寄呈石臺眞逸及蝴蝶樓下朴兄

玉汝熙理以供一博

三韓弄兵皆鼠竊六里 ∞ 役爲牛後志士自靖若履虎尙寐無聰兔爰走神龍
一蟄有一伸驅蛇放菹自有人塞馬安知非我福羊腸無地可安身獼猴與居
山之北烹雞酌酒留君醉儂歌未免狂犬狺孰忘家猪尙慕義

同朴兄清遠諸人遊仙遊洞以西望多奇峰分韻得望字時戊子暮春上

己日也

良辰發孤興策杖碧雲嶂躋攀涉危險一一神剌狀我來良非一泉石復何狀
倏若生羽翰翩然直上向

奉和韓希穽愉見贈韻

澗道餘寒雪滿峰思君相訪郎相逢河談海說聊充腹古調新詞許盪胸東海
却慚遂似鰲朗陵惟見惣如龍留連日飲盃三百衰暮離違意萬重

如君可謂泰之師祇恐齊名召黨機義利公私殊剖判賢愚貴賤豈同歸祝鮫
然後免今俗陶令惟能知昨非手把瑤琴至子室尙聽玉軫與金徽

羌笛戍樓四海陰河山雪壓玉千岑盲風肆虐人迷路寒日無光鬼嘯林莫道
渠儂無地死猶聞蓋老格君心支離病枕蕭蕭夜坐聽隣鷄霜欲侵

題梅溪鄭學士承鉉草堂

洞庭湖上鳳凰洲方丈山南第一區軒冕歸來何所樂白雲青鶴與之遊

與李學士種文會于心石齋

海山巴水隔如天一片靈臺注百川洋雲閒月一千里可惜逢君衰暮年

遠溪草堂夜飲奉呈宋上舍原明哲憲

袖來玉軫子期逢流水青山一度通世路如今飄蕩久却憐措大老霜風

過雲潭精舍金重菴書堂 用朱晦庵西林舊館韻

舊日屢巾行樂地七年風雪重尋來金聲玉色承逾邈矯首泐蒼歎息回

奉和宋君周服冕燮

悠悠我抱子能知既發清商又和詩喚得形神迢且絕鄉關千里頓忘思

己亥八月既望約韓希霽遊頭流泛蟾津阻雨未遂用冥翁詩祇愛天王近帝居分韻得天字

看盡頭流又下江蠹老胸襟儘浩然千載誰可會此者我有故人在德川德川

活活牛山嵯中有一韓尙妙年神峰雋援詞如海又能知性以知天我造其廬

聞道妙泰山頂上期我焉自此又欲觀於海放懷天地無形邊歸來舉似雲藏

子權君五 楊眉指日同翹◆時兮八月十六日海印簔衣古來傳孰爲南冥孰東

州今朝風雨正可憐古韓能開衡山雲今韓不媚方丈仙紫陽精舍新突

飲百壺被留連室中無他閒什物案上猶有太極篇橫豎說到無言處萬象森

然具於玄何似登高遊日乾端坤倪廓乎圓四海九州輪其中形形色色殊

萬千庖丁遊刃恢恢地出門看牛目無全同來復有三兩友不辭青鞋雲泥穿

亂以祇愛天王句清風猶餘佛日前霽則行兮潦則止胸中冲濃太和煙世間

好事多不好我思古人獲我先

與權石愚載斗明湖雲煥宿新安精舍有感之作

昔我先君小少日十年留讀五車書寒巖月笑跣思切古木風鳴蝶夢籬赤壁

江山尤老跡新安泉石晦翁居兩家父祖苦心地俎豆絃歌肯絕歟

與朴貞山及族姪致三炳台遊仙遊洞

良辰已是屬高秋蕙帶相逢得此遊遙憶仙人不可見屢攀形勝未能休石穴

風生輕醉袂林端雨過洗塵愁同來揔是佳年少愧我尊前歲月悠

宿許英七燮臨履亭

暮入千林路斷崖有亭蕭灑俯材家文章自愧欠磨琢孝悌君應作飯茶不欲

雌黃隨世界何妨棲碧餐煙霞渠儂等是悲秋客白髮清尊對落花

輓沈默隱相沈丈

魁梧其氣丈夫身筆力詞鋒妙人神晦養林泉人不識薤歌一曲淚盈巾

贈族君安甫定洙

而胡然求措大步邯鄲九十冬無所有何所贈萬竿竹百尺松歲寒心莫相違
霜雪薄言交攻

寄權君相三重斗

十年泉涸苦响濡此日江湖忘在乎濠上悠然自得意子非吾矣安知吾

河君叔享謙鎮相送于石亭呼韻

江梅寒滴瀝路草細新生活氣層霞碧神衿霽月明逢君不忍別送我奈孤征
聊爾沈吟久雲端鳥和鳴

與權明湖遊仙遊洞

疊嶂花意重層屏水氣瀉對酒說幽情中心却飄灑
水流查滓盡山靜世念稀此意誰能識魚潛鳥自飛

權石樵道敏斗熙將往遠溪聊賦一篇以示意

家住方丈下每道方丈高登泰天下小東溟不容刀浩氣凌八荒壯志跨六鰲
未隨晨風翼縮首垂蓬蒿遠人不可見我心尚怱怱翩翩渺遐征春風溪上豪
空有寒潭月江漢思滔滔

挽朴鶴山尙台丈

丹邱明月夜笙鶴下人間大手決遙漢高談止急瀾事來雷雨發坐處春風閒
耆德今零落餘生淚特潛

奉和宋德中在洛

遠寄新詩破膽寒歌之姑舍說猶難尊前風月無窮富案上詩書不素餐父子
君臣眞大義功名事業是童觀呼牛呼馬隨呼應世上人間一笑看

會稽客館贈別李小松志客

匹馬東來知是誰使君不幸遭艱詩斷腸子規啼夜半滿城風雨浩無期
朝雨初晴官柳新山陰歸客伴青春借問後期何處是嶺湖花樹一堂親

讀雙梅實紀有感

衣裳依舊蝶魚東祇賴前修撰斥功一部麟經餘命脉吾將讀此此山中

仲春同閱洛鄉致源文若魯植諸君遊鑑湖

石益瘦兮水益清龍潭鶴嶼撞春聲東湖處士風流盡南國遊人劔筑鳴屬玉
印沙沙草綠潛鱗吹浪浪花驚滿地雲烟如畫得卽成屏嶂揭窓楹

雪夜寄文周尙泰郁

凜風酷雪大冬天涯角莽蒼摠阻焉此夜新安江上路問君知否剡溪綠

謹次李公纘植心潭精舍韻

山水元來有主人心潭付與此翁身宴酣肴核成賓樂咀嚙詩書養性眞小院
孤松含晚翠方塘寒月淨無塵肯堂肖子修先業孺慕深誠泣鬼神

奉和族君宅煥鷺棲菴詩

鳴鴻叫雪北風回飛入深山伴鷺臺終年不啄田中粟底事人間任去來
天王峰下國壽峰萬八千年不變容山河帶礪無窮意更願仙桃醉九重

同文益和吉鎬朴文一熙純諸君登涵碧樓

危亭蒼石角演漾涵晴江露冷芙蓉晚沙明鳧雁雙

題李惠山祥奎草堂

瀟灑林塘一草廬煙雲縹渺襲衿裾樓上牙籤樓下讀主翁風格近如何

九日晦日與諸同志登赤壁鳳凰臺

萼菊重來赤壁遊白雲紅葉滿江流鳳凰臺上文章子蝴蝶樓前名勝洲南陌
北陌蝸千屋古人今人貉一邱願君且莫辭尊酒海內腥塵摠是愁

示族生安甫仲實基秀諸君

潭巴剎得不傳秘千載淵源卽紫陽願君卽向吾家路莫把并州作故鄉

題方丈山頭流洞張德奎基相幽居

方丈神山是別區洞門深鎖碧雲幽且宜木食巖中老莫泛桃花世外流枕下
溪聲雷動地林間雨色暗生愁天王咫尺嚴臨下海內英雄這裡收

權應韶鳳鉉來訪

久阻懷難抑相尋意更深世衰憂道術老去惜光陰白酒朋來醉佳篇興到吟
願君崇德義皓首莫違心

乙巳七夕同明湖及諸友會飲新安社

被惱長霖神滅明霽天爽氣報新聲哀辰尊酒留人醉他日功名與子成蟋蟀
胡爲衰草岸煙雲愁殺暮江城可憐今夜銀波外底事仙官會且盈

挽族叔益範

落日晚巖上悲歌桂樹秋黃花負白酒玄鶴辭丹邱古宅風流盡窮村士女愁
先人如有識泉下應相求

挽朴丈南紀貞和

繫公先友執情誼如周親有動輒相隨歌筑氣味新有危輒相扶瞽相又齒唇
有飢輒相賙石麥思純仁有病輒相救孟云同井隣人事風燈界餘生孤露辰
公今泉下歸緬思淚沾巾

奉和許蒼崖萬璞兼示季章萬憲

鷓絃無語鷺盟寒月滿永壺雪滿山隔水泝回人宛在來章三復意關間
蝴蝶一別夢猶寒鴈帶春輝度遠山不見元方何足恨季方曾不寸其間

和文善鳴鳳鎬壽親詩

攢喜高堂接素秋尊前松柏興悠悠斑衣戲舞丹心祝華髮韶顏紫渥流空青
自是人間物笙鶴何曾世外求謙賀之詩多傑作巴謠慚愧錦雲頭

張君大而見訪

蕭蕭楓葉下空洲縱有剛腸奈感秋海濶天高叫塞鴈渚清沙白夢閒鳩青年
才藝明時用皓首功名世路悠志事超然吾可力如何隨物共將休

同張大而宿安峯

江城詞伯賦悲秋苒苒年華催白頭尊前爽氣黃花笑天外商音木葉流每遇
故人開笑語何妨佳節作娛遊大地人琴俱寂寞憐君前路儘悠悠

過鳳溪牙悶堂舊居

竹柏葱蒨下依然朴氏居無姓黨人籍清風百世餘

謝李士重圭弘贈緇布冠

不冠牛馬似慨世效子桑感君贈我意三復都人章

次訪隨齋韻齋在河東達洞

慕古山前闢洞天游魚飛鳥樂雲川河南夫子吟風句爲誦諸君結屋年

雙溪歸路準汝族兄得鱸酌酒
膾鱸酌酒夕陽風向上蟾津滌我胸剩說逢場花樹好明朝一別隔千峯

過白雲洞憩南冥先生手植松下
挾路盤松凜有風我來緬仰八雲中憶曾十破黃牛日手植孤根意不窮

山齋對月
月明風露下凭檻抱孤清有酒難爲醉有詩不盡情

奉呈艮齋田丈愚
壯年勞仰止向晚獲升堂水氣窮源活山光太古蒼秋陽不可尙風月無邊長
道術家家裂師門獨有方

奉和松菴閔令東赫醉宴韻
養得神丹龍虎成仙翁綠髮復鮮明金陵已展葉蓬志鏡水偏深孤露誠里老
材氓來善祝爛衫公服進霞觥小春梅萼傳佳句賤子當歌不勝情

將之遠溪學松翁李司果萬根 與余同驂至會稽館落馬言旋甚悵然也
千里同驅信誓非稽山春雨正霏霏松翁落了夔翁馬白首青袍短策歸

觀瀾亭贈閔君重汝泳珍及諸益
莫謂少年長少年駸然黑我今星然同遊上學知幾日默然荒墳已寒煙可憐
驥馬思千里却怕豬龍判兩邊閩鯨過關人欲捉不欺心是不欺天

石南精舍訪宋原明不遇
寒鴉欲沒雪飄零搖落庭槐拂素屏獨坐沈吟人不見孤燈伴宿夜冥冥

送崔舜瑞之吉州
暮年萍水幸相逢飄蕩羈懷不盡容天涯爲別渾如夢關北江南路萬重

乙巳冬陪淵翁之京歷訪整軒李丈善植李文憫余觸寒借耳掩賜藥餌後又以書致問
恟雨寒風去歲冬解衣推食慰孤蹤舟過錦水違相訪欲作音書意萬重

申明菴扶自魯城闕里祠謁勉翁共賦一絕
飄蕩風塵歲月多魯城絃誦問如何龜溪吟弄歸來晚聲價從今十倍加

同崔君敬存秉心登寒碧堂
結屋蒼崖頭俯觀刺史州長江繞檻白列岵入簾幽世事渾如夢神衿冷似秋

碩人蒞軸地詞客賦登樓

與崔鎮文淚錫將之龜洞過論山津

忽忽行色去婆婆歷歷湖山瞥眼過蒼野雲林三月好寒潮風帆夕陽斜千門
列市人神雜數尺棧題世室多朝來細雨勞征役搖蕩羈懷發浩歌

被雲齋兄勉菴嗣子勸飲醉過錦江

錦江春色浩無邊汎汎中流一葉船賴被故人相送酌湖山十里過飛仙

挽許南黎愈丈

岐山嶷嶷潁水深間世鍾精動士林寂寞雷龍三百載興言今日有餘音
胸吞雲夢未爲多彝性根天更不加暝目無言靜坐處春風渾是一團和
楹夢遽然山一頽餘生狂簡復誰栽想像泉臺未昧者光風霽月不塵埃

訪族姪永煥瑚洙松溪幽居

暇日策藜杖訪君古渡頭稻梁初欲秀溽暑未全收野肆尊醪綠山窓榭几幽
坐語林暉晚石根動爽秋

權進士石山大煥酌酒相慰

白露蒹葭秋水生身如鳧雁泛湖輕歸來江上無人識惟石蒼然不變情

四友堂夜坐懷鄉

百慮撼心酒力微一身湖海未曾歸却憐白馬清江上應是家人不掩扉

夏日偶成

白首堪愧負虛名漂泊西南老此生濁酒謀隣無量飲新詩逢舊偶然成林端
幽鳥頻頰鵠天外歸鴻尙滅明寄語諸郎勤着力及時發軔趁長程

次睡仙樓韻

寥寥仙窟紫雲生猶有虛樓景自清莊園夢裡飛蝴蝶商雒山中對橘枰叢桂
悠悠遐俗想銀波滾滾送寒聲淵翁題詠增顏色冠玉峰頭不朽名

同小能族兄善日李正字乃燮遊大德山風穴

疊嶂翠屏裡一水巴字回左浦關玉府雲壑窈窕開珍重李記囀月浪之茂材
西山渺遐征策杖與同來言觀寒風穴峭絕攀林崖老炎時尚酷凌兢意難栽
飄飄笙鶴侶塵愁已成灰石竇瀉瓊醬靈源眞奇哉盥濯袪不祥冷冷永雪摧
飲之希長年浮生堪可哀物外暫逍遙潔潔去塵埃仙郎何慙勸我甘露盃

羈懷因消歇何處是鄉臺

題鰲山精舍金教俊別業壁

君家別業自成家轉入雲林石逕斜一帶泉紳塵外響萬山蒼翠畫中花霞光
隔世多仙債夜氣透牕滃露華祇恐妖氛澆夢想莫將此事向人誇

謹次良菰亭板上韻亭在光州

三韓一洞關突此起高亭老樹千尋兀群山萬古青村翁橫野笠詞客對林瓶
珍重巴溪老尙留鳥篆形

訪許君恂明於玉果之玄井戲呈一絕

鳶飛魚躍氣雖偏極本窮源理則全千聖相傳惟此已吾言不信問已淵

待沈石圃允澤不至

我行雪山陽間關訪仙廬仙人不可見蝴蝶夢蘧蘧蒼蒼邱中樹含情空扶疎
衰暮多別恨留連待回車悵悵賦停雲寒鴉起夕沮

綾州白巖林社與文氏諸雅共賦

東溟風雨苦沉沉轉客西南着處唵牛馬縱橫芳草岸蟪蛄斷續綠陰林白頭
空閱千家籍青眼相看萬古心我屋蘆山山下在諸君應識此中尋

訪趙成汝鶉子江幽居

爲拓遮欄重壁牆幾年溪上曝秋陽嶠雲湖樹頻勞仰霽月光風引興長斯學
榛荒心共蠹新詩咀嚼口生香最難白首成離豁黃鳥其何喚柳傍

同高道一石弘諸朋友登良菰亭

天涯思切盍簪同白首相逢逆旅中菰洞亭高忘溽暑霽峰家闕尙遺風呻唵
病俗醫難補排遣塵愁酒有功欲發征輶還更語堪憐飛雨過蒼空

考巖齋謹次淵翁板上韻奉呈朴子商起震

百世考亭直字門黃巴往恟復奚論肯堂肯構興餘韻是祖是孫道益尊古砌
殘花慘日影滿庭荒草濕雲根夫君宅里長隣近憂切斯文廢興存

同林希瑞趙秀汝會飲于林璣周夢虎堂

十年湖海頓忘形白首相逢拭兩青尊前倒廩談千里明月清風自大庭

次趙秀汝超然亭韻

蘿菴擅形勝亭高碧海東
谷簾添碧兩絕壑駕長風
神護幽人趣天慳造化工
超然遺世立漂蕩意無窮

過岳陽憶鄭兄應極邦壽

與子情親四十秋尊前風月未曾休
回首岳陽人不見那堪飄葉下空洲

李君敬夏炳淵送生鷄以助饌

茅容豈待容愧我郭林宗
念君慇懃意軫感尙弼中

挽閔聲遠鍾琳

天馬峰前一草堂山陰鵝客臥東床
荏苒韶華行共暮如何先負歲寒盟

挽稽黎姜文一起八

一自稽山修契來艷君襟抱不塵埃
萬事悠悠成往事人間其奈老萊兒

挽文章善正郁

古宅江城里同心遇暮朝
角鷹凌雪壑笙鶴降雲霄
雅契多名士嗣承摠法曹
伊人不可見汶水咽滔滔

金貞伯金甫見諸彥見訪

衰暮離憂白盡頭江南江北地分區
詩料長空艱酒政琴心相對足風流
川晴柳暗魚同樂巖老花殘鳥喚愁
海婦還慙人逐臭何妨今夕作清遊

送別江左諸生

迢迢驛路送君歸碧柳千絲共惹悲
且須莫遣韶華老坐歎窮廬萬事違

錦湖朴鎮五熙邦携酒相訪呼韻共賦

朋樽相對意何深且罷渠儂止酒唸
倦鳥知還巢暮樹小車珍重穿雲林
爲憐幽谷春將喚却忘孤城日欲沉
每得同人難忍舍老年猶是少年心

卽事

終朝無語對南山思入羲皇日月間
堪憐昨夜前溪雨正減韶華強半顏

奉和鄭敬夫道鉉

洞門深鎖暮江東獨自晤歌意不窮
山色生顏花色裡溪聲增價雨聲中
親明駕柱情離極尊酒家貧奈至空
君去明朝春又盡好風他日與之同

與諸同志行鄉飲禮於崇義齋會宿于觀瀾亭

紅深綠暗正佳時老去徒吟蕩子詩
霽月光風師茂叔高山流水遇鍾期
飲之以禮鄉人會究得乎經古道持醉上觀瀾亭日暮滿江雲物入新思

海沙權舜益見訪

一別三山幾十秋滄桑經歷儘悠悠
江上風波猶未定願君爲我抱開頭

謹次戍山碑落成韻

峰麟阡狗出頭頭端合斯翁馬鬣修明道先生題品好
廷陵季子更何求遺分尙挹絃歌地感慕偏深江漢秋
賤子年年來展掃摩挲螭首淚雙流

挽趙鶴圃景一乘奎

白首相逢素抱開尊前風月浩無涯
憶昔濂滄江上別居然一夢隔泉臺

挽河府使殷巨龍濟

世襲干城擅虎榜台溪家裡有松堂
急流勇退餘沙里浩氣透過名利場
鸞鵠峙庭裘業美龍蛇噴墨筆花香
終宵風雨嗟何及歎息人琴俱此亡

七月望日與諸同志會飲于鍾山

好山佳節有朋來鎮日何妨四會開
詞操格高摧玉雪襟懷浩蕩絕塵埃
新杖消息傳江樹長夏光陰送酒盃
願子反時俱努力流光一去不重回

鍾山對月

月華侵露軟涼生玉宇銀波一色清
凭欄思人無言處不耐幽人寸寸情

蘆山會飲

行盡青山過碧溪逢君忘却日西低
花樹會兼雲樹會隔林壺鳥盡情啼

示朴生仲彥在邪君行文變

農夫日日田中苦晨起牽牛過東墻
士子日日高堂唵矇矓朝日睡偏長
我禾日長我土廣穰穰露積滿秋場
士也罔極驕且逸白首無成歎空房
我看當世知名士筋躬操心異於常

潛溪趙成汝見訪

故人珍重遠來尋剪燭相看屬意深
湖雲嶺月分張後惟照靈臺一斥心

入山

穿林線路轉幽深百倒千顛休且休從古詞人多感緒窮途蕭瑟賦悲秋

敬次尤翁巖棲齋韻

畢生棲息意一屋寄巖間翔鳳起千仞凜然不可攀

仙遊洞

石壇桂醕致仙靈身世翩然坐太清披襟一洗塵千斗月窟飄飄爽籟聲

宿彩雲菴

華陽名蹟闡吾東幾度詞人詠匪風盡日靈源引大白終宵禪榻剪燈紅寒風
冷葉增秋色絕壑層雲盪我胸昔與心翁留此寺令人却憶仰蒼空

飛來菴謹次板上韻

巖高千仞壁水落十層臺尤竹隣黃菊春丹透綠苔市朝雲外隔溪樹雨餘佳
緬仰聚星蹟令名照古來

贈閔昇彥昶鎬薰鄉泳馥二彥

我有匣中琴傳自泗上來一唱鏗爾音翔鳳高岡回再唱龍門闕光風霽月開
千載誰會此陶山挹寒梅高山巴水音况聽一士臺古調無知者惻惻恨難栽

題復齋趙士欽鏞肅西岡亭

月峯何屹屹有閣出林端愜入三清洞如登百丈山老龍吟澤裡孤鶴唳雲間
萬事付書籍知機心自閒

用陶靖節四時韻戲題竹醒鄭丈後澗亭壁

舍瑟暮春翔瑞鳳放歌長夏嶠神峯籬東秋晚採霜菊嶺上冬寒餐雪松

全君明可見訪

匹馬蕭蕭入洞天拭青相對意悠然通家誼合同門契永夜挑燈竟未眠

奉呈稽樵閔臺丈致亮

賤子執床坐春風和氣中山陰之巨室江右擅詞宗喜怒不形色抑揚每折衷
展禽今已遠斯世疇能同

奉呈李兄致中榮鎔

☞陰同婿是河原允衣河原 恭禧孫多謝夫君真骨品結隣托契老愈敦

挽復齋趙士欽

夫君承祖武藝花擅詞宗約共葉龜戒交深竹馬同西山歌白雪北牖臥清風
親友稍稍去也應泉下逢

李君仁甫見訪呼韻共賦

逢君剩得塵談清永夜何妨友麴生明朝相送江南路庭柳絲絲不盡情

次四宜亭原韻亭在普州美川

蒼崖峭絕寄孤亭况復東陽擅地靈數畝杉松增永慕一般魚鳥頓忘形賓朋
信信呼歡伯兄弟怡怡對汗青瀟灑軒牕無俗韻登臨是日我心醒

題雲谷幽居

三墳五典已成灰萬事無如酒一盃吾道無傳衰且死拭青相對意難栽

謹次李小松川上亭板上韻

十年重到此汀洲楹夢籛然浩恻秋兩世絲綸池上鳳一生盟約水中鷗充庖
杞菊眞住想滿閣牙籤爲厥謀試看千古寒潭月吹面光風也不收

訪李君極重奉圭嘉谷幽居

三世旌門孰有加忠臣嗣嫡孝承家夫君懿德由天植宜爾子孫膝下多

奉呈直菴李文顯鉉周

與子同師一士翁同中有異異中同尊酒相逢十載後遽然霜髮如飛蓬

題趙永五暎奎林坡亭

雲林幽谷裡瀟灑一孤亭寒澗錚鳴玉列髮鬚作屏省楸增感慕堅佛笑談經
誰識此翁意悠然獨自醒

挽月洲河丈祖憲

自附婚姻契誼新每欽德義最淳眞平生不作皺眉事叔季誰知實地人山下
源泉觀有術尊前風月淨無塵滄桑往恻嗟何說壽享期頤可驗仁

謹次花林洞全氏松亭韻

一門忠孝兩松亭畫閣丹樓自大庭欲識斯人題品意試看雪後滿山青

挽梨谷河丈仁壽

頭流倚北斗下有考槃人誠意透金石筆精泣鬼神儒風趾世美德義動鄉鄰

離豁江山暮那堪往事塵

謹次達城夏氏敦睦齋韻

江南詞客遠尋眞晚洞仙儔始見親栗里琴書消世慮韋園花樹萬家春悅菴
門下多賢士修靜堂中若有人試看煌煌敦睦字薄夫猶得正冠巾

訪悟齋夏兄善範東箕晚村幽居不遇

晚春指點晚村廬初夏行尋夏氏居褻積羈懷難更說思君不見意何如

山齋夜坐

天心如洗月華清病暑衰翁苦更生永宵蛙鼓挑人興始識無情却有情

挽朴承宣鵬舉海龍丈

十室丹邱尚有村公生鍾武鷺鷥班芙蓉出水堪嗟賞仙鶴叫雲詎可攀北關
多年頻獻納東門何日掛朝冠同鄉舊誼兼新契遙送薤歌意萬端

挽西溪文敬叔在桓

茅堂窄窄僅容身隨分漁樵是可人萬卷詩書遺一子西溪家業未全貧

次金丈永祚竹潭原韻

若士有幽趣疏渠移竹林乘風醕綠酒對月弄玄琴寶鑑涵虛色琅玕奏爽音
閒居無一事究索卷中心

都國元基洙松竹堂醉吟

松竹堂前歲暮時一樽傾盡醉淋漓今世惟君知我者何妨此日笑持頤

挽族兄致彥道硯

用天因地修吾職無事無憂六十春孤松瘦鶴今安在寒月蒼茫夢裡新

謹次思隱文先生孝子碑閣移建韻

夫子家奴元有信雷公信物露眞情千古江城旌孝石重修是日更分明

風雨詩寄文君善鳴

風雨淒淒夜如何其寤言不寐悠悠我思興也
夜如何其風雨淒淒我思古人中心悽悽興也
終風且雨夜何其長思而不見在水一方興也

風雨三章章四句

白馬江紀行

早發長龜洞朋友遠于將透迤過鶯鳳汪津何洋洋江上一孤亭夢裡賚弼良
東渡百濟城半月已塵荒瀟灑阜蘭寺凌兢水北亭落花巖千古釣龍水中央
萬折白馬江東流一帶橫上有千仞壁尤老健筆張奉讀李相批大哉 孝宗
王順流下自溫竟日盡壺觴蛤浦雲猶濕流山風亦涼買得南歸船來泊黃山
陽八卦與臨履臺榭遙相望院宇今已虛曠然心自傷新秋清江興付與南鴈
翔酒醒櫂歌罷晚景收奚囊

登水北亭

自溫臺下一巖奇木末孤亭勢若危水盡三韓金馬國雲生百濟釣龍湄白頭
謾作悲秋客素志寧嗔止酒詩搖蕩羈懷無以瀉古都風物入神思

宿新義州白孝甲旅館

酒醒斜日客愁生袖裡短琴鳴不平芳草萋萋威化島孤雲漠漠契丹城東西
列國通交路上下層臺詎可形魂夢頓忘家國遠明朝渡海若爲情

奉呈金志山福漢令公

湖洛淵源潭與巴未流何必更分波惟有過翁真見得折衷斯道斷無他

挽族丈敬奎亮洙

方岳精靈毓鍾生出類人千層骯髒氣九尺魁梧身黠吏聞惴寒儒感德親
痛哉門祚薄公忽臥黃塵

次金竹潭鰲山亭韻

超然鰲角出群山天畔孤亭寄此間白雪陽春誰復和浮雲富貴亦非關飛花
啼隼韶華老絕壁層雲景色閒每念主翁冲淡意招朋携酒共躋攀

訪李汝老西山新築

銀盤玉府近瑤池簾捲雲端瑞日遲堪笑浮生空自苦枉尋青鶴費神思

奉和文暢窩原韻

渠儂未入碩人窩憑送印君付短歌祖業講來蘆下含神交定得菑山阿仰看
乾象無寧惕坐了春風渾是和從此眞工加邃密龜銘龍繇發揮多

九日同金華允鍾協吳士純相弼登羽化樓

遠客乘秋向玉臺故園東望隔天涯水雲亭畔稻應熟鍾石堂前菊有開幸賴
親朋聯共袂晚登仙閣覓深盃短髮蕭蕭頻落帽街兒拍手笑陽來

次晚梅亭板上韻

扶病尋芳到晚汀孤亭蕭灑出穹青循除寒水開明鏡繞壁紅葩作畫屏下土
如今皆鳥跡凭軒端合讀麟經主翁當日名扁意長使遊人醉夢醒

挽泰一族兄道愚

愧我多言玷慕公默足容弦韋臨事錯酬勸對樽濃劃性寬污服程心惻滿腔
克家餘慶遠蘭玉繞庭中

謹次述古堂原韻并小序

李朝 明宣之際南冥先生掘起嶺表以古人爲己之學教諸子入其
門而得其道者甚衆惟德溪吳氏最焉德溪之同鄉執友有若述古堂
金氏隱居行義放山陰之長溪以徵士高蹈堪岳其志嚶嚶然曰古之
人古之人扁其所居之堂曰述古詩以示其志有堯何人也舜何人之
句謹用其韻以足之詩云乎哉
今人徒是學今人不學古人做甚人述古先生眞學古今人難以述斯人

哭李南吉熙瓊

三歲離家今始還一生知舊半青山惟有心潭秋夜月炯然高掛屋樑間

登慎氏蘆溪影碧樓

萬松護一樓倒影寒潭碧注目何凌兢披襟頓灑落起欽孝子誠肯構肖孫力
愧我無眞緣讓君好水石

題蘭圃李上舍大馨源泉亭壁

十年南國燕鴻分誰識草玄後子雲明滅歸來題鳳字滿山風雪斷愁魂

宿鄭氏黃山亭

江東驛路月峰回雪裡羈人獨上臺潭翁遺躅尙餘韻時復伽倻玄鶴來

雪夜與德七共賦

千山萬樹六花翻注看銀屏目力昏可是神功憎穢德彌縫天地頓無痕

哭族兄漢明道亮

落落丈夫標溫溫君子容笙鶴叫雲外芙蓉出水中淋漓文酒席吐露腎肝衷
千里未歸客聞臯泣晚風

哭族弟致中道勉

憶昔南溪老教經倡一門夫君嗣厥德吾黨頌斯文青年遊太學白首臥窮村
可惜冰蘭質棄之蒿里墳

挽約山許英七

癯鶴翩然下大荒瓊琚玉佩爛成章一臥西山三十載無邊風月引興長
客向蓮塘問主翁臨深履薄見真工似述家風垂裕後停鸞峙鵠滿堂中
弱冠契好鬢如霜文酒相逢歲月忙誰教良工見三刖埋沒窮荒蒿里場

秋日同郭仰汝成鍾渙姜元實遊頭流山紀行

壬戌秋八月山翁出山谷北渡鏡湖水西入嚴陵曲仙源何處是松臺好民俗
透迤上春來曠感前輩躡相逢栢川子暮投寒雲宿渭陽在虹橋孺慕悽我蓼
姜生起余意聊誦頭流錄朝發西山巔相訪碩人軸珍重郭居士爲客成家塾
成童何慙勲佩鑿指路熟窮林楓葉晚絕峽虎豹伏天梯與石棧鉤連似劔蜀
翩然上絕頂放懷天地角三山鰲背出九河鯨濤綠却憐韓錄事峰頭冠一玉
云何山海翁駐馬佛日屋登泰天下小仲尼已先覺愧我鬢鬢者掩戶常瑟縮
一朝成大觀自是知止足明日泛孤舟吾將下河岳

同金滄醒宅洙泛舟下統營津

落日孤城接素秋乘鳧雙雁下滄洲腥塵世界三山客天地中間一葉舟良友
起余來赤壁大觀疇昔自頭流洗兵館下權歌晚萬古煙波不盡愁

統營回路訪朴聖安不遇

滄海當前萬里遙賴君扶力涉鯨濤夢裡瀛洲看未盡歸來題鳳我心怊

訪鄭敬夫柳川幽庄

我慙無信息君有五經知相對十年面春山明月時

用生字韻賀文明佇在燁生朝

上元甲子一陽生生此幽人臥古城今歲重回初度日老年尚保少時情兒孫
獻以龜蓮壽賓友維之駒藿誠百遍相過心不厭清光惟我醉深觥

浴溫泉宿文永瑞綠川幽庄

海上蓬萊尚有村恠來泉水四時溫脫身洗盡全身累歸臥仙廬冷夢魂

文博士正中諸朋友遠餞于梵魚寺

鳥喧獸走夕陽邊端合吾人入洞天三笑過溪情語密梵王宮殿月生弦

奉呈文君士明

群鷄喔喔率泥場一鳳翱翔千仞崗浩天必復純坤下教子詩書最義方

哭金滄醒宅洙

鍾山四月綠陰深有鳥嚶嚶懷好音悲歌相送愚川上生別吞聲死豈堪

挽月樵朴清遠

與君同里閉情親五十年言念遊戲日竹馬走躑躅挾策遊共方相資擊蒙顛
豎幡抽黃白對案鉤深玄徇俗治功令雲路幾翩翩渡灞歸林屋覓句抵頂眠
百過意未闌素抱說尊筵况復謝家樹芳華正堪憐謬托縱匪人愛渠趣向全
相長亦足發事我如父焉兩家之契好父子昆季然兄亡弟不知追憶淚懸泉

題紫山精舍壁

魯山秀且屹下有紫陽堂講習麟經義開陳蛾述方芝蘭聞遠臭鸞鵠任翱翔
聊誦登樓賦怡然引興長

挽族叔殷見正範

千疊蒼崖裡碩人菟裘室落日叩衡門雲林但蕭瑟衣履人間在警咳有所失
一身備六行周官三物一彝性人所同頌聲洋溢世曠司徒職窮巖多遺逸
不學必謂學卜子務本實

曉坐

月在梧桐上風來楊柳中溪聲一枕冷野色萬家豐身疴如凍釋世念似雲空
戒酒還尋酌被嘲狂也童

自嘲

堪笑流年到望八不移肘案度平生牡牙搖落咀難下禿髮鬢鬆髻未成妻老
縱無琴瑟樂孫曾猶足室家榮兒頻送酒慰涔寂醉臥林床忘世情

與金國彥泰植將之活山踰道末嶺口呼

野渡永惟解山蹊雪未消百穿雙不借綠髮今蕭蕭

奉贈文生清日

亭亭干霄木遙遙遏雲音願付晨風翼勿忘數飛心物貴善其養戒彼斧斤侵
君逐海上臭我無匣中琴臨行贈一言愧比雙南金所思在遠途謾作白髮吟

挽趙仲見鏞碩

三十年前溪山會我爲丈夫君少年我今老而猶不死君胡一夕臥黃泉死者
已矣生者難仰事俯育誰委焉

重陽訪金君翊木洞幽居二首

重陽佳節客西歸黃菊清樽對晚暉沉吟永夜歌商律風雨蕭蕭萬壑哀老去堪嗟兩鬢霜六洲龍戰血玄黃明朝便
作天涯客夢裡相尋道路長

訪林希瑞不遇

南去北歸驛路悠孤蓬載月白蘋洲千仞岡頭題鳳字棲棲倦客獨悲秋

李東川元善教灑子弟多俊美時余相訪諸弟舉解諸子進食隱然有朗陵家風味感歎之餘聊賦一篇以賀
爲子高吟伐木詩引觴擊鉢慷慨時可憐秀傑寧馨許將見功名汗竹垂滿室
崇蘭經雨透出山幽鳥向風移丘壑圓成多別味留連聊且去歸遲

李東川席上獅瓶聯句

陶人礬水土渾合造獅瓶厚山麗澤泓淵益分明陸手停東川疑魚吞墨音如鼠飲
河形達善駁駁效斑首奇奇學炳靈致善性廉惟飲淥眼捷便如星舜章鯨噴三湘濕龍
潛一雨零厚注君數積檣寫我千章罄東走筆頻呼吸須人且醉醒達氣高朝
百獸體固達千齡致何必圖諸壁巍然獨典型章

訪黃君道洪大田幽居

十年契濶我思悠西望雲山月滿洲今日訪君方丈下東籬又是菊花秋

與金君重敬教惟同發駙山精舍會宿蓮汀幽庄

却嫌被惱曬煩襟玉井金蓮共去尋君家兄弟情何密滿肚冲然孝悌心

謝鳳里文君泰益贈扇子二首

巖棲瑟縮意悠然獨也唔歌送暮年夫君自是天涯客爲我慙慙贈一扇
玉質金章朶白雲時來卷舒月黃昏膏火人生苦炎熱飄然身似狃寒門

次鄭君啓先在沃洗心臺韻

人生苦火熱世熊自浮沉登臺一俯仰披豁洗塵心

謹次暎碧亭板上韻

萬古蒼崖碧水汀碩人邁軸一孤亭爲憐煙月扁舟載遠客行筑得少停

悼李鳳圭熙夫

氣清數必局命短才何長每過湖陰路思君空斷腸山慘水又咽落月多悽涼

甚雨有感與裴孟汝道泓用退溪先生韻共賦

去年旱也今年雨易範咎徵互相換天心如令人意適兩年旱雨可能半苦哉
今年夏秋雨高岡平陸黃河灌雨日偏多晴日少下民計活無定算東隣酷被
懷襄患西隣屢發庚癸歎行人日無脫簔衣居人夜起看星漢禾穗蟲損且風
傷慘韻毒霧又漫漫百災荐臻無控訴吾人詎能得炊爨哀我先王之赤子靡
有老弱將逃竄安得博施濟衆手惠然來蘇死生判我適遭雨梅潭舍撥憫占
得龍繇玩筮得潛龍勿用象未能雲行槩可斷明日乘晴入晉府得閱史抄載
青汗主翁出示陶山詩不棄巴人歌以亂三復徽音高檀板先生脚下不敢贊
牽率構成辭凡陋自看一過雙眉攢南州詞伯非子耶所和瓊章如珠貫雀爾
雙肩高結喉凝坐騷壇頻掖腕旗亭甲乙豈敢望聊爾寄呈共一祭

贈別梅潭裴孟汝

憐君高坐讀陽秋不遇明時老白頭湖嶺地雖方域異潭巴淵溯遠溪流且寧
樂道終窮死肯與閒人學少遊塵世相逢開口笑那堪他日別離愁

題裴氏繡林書堂

百尺樓臺萬丈山繡林葱蒨碧雲間祀賢鹿洞遺風遠講道龍門照月寒鏡裡
湖光生地角壺中物色對孱顏平泉花石雖云美肯似仙庄世外閒

擬古詩贈裴君泰宗相屹

青青河上柳鬱鬱澗中松妍妍東家女燁燁何彼禮理粧上翠樓含嬌惜春容
征夫猶未還雙袖淚龍鍾獨處將誰與我心常憧憧角枕繡鴛鴦華裳彩芙蓉
札札機中織栽衣密密縫薄言寄遙塞霜鴈鳴嗚嗚深閨守貞操處身若愚忝
願附晨風翼天涯卽橫縱思君夢不成矯首意萬重

贈兢齋族君基相

君嶺我湖隔遠天今朝幸共此留連意城密密藏千緒胸海深深注百川撥憫
評尊調玉軫祈晴占易炳香煙離憂倍切相逢後老去奇懷漸渺然

蘆溪草堂與慎應三雪中對酌

明月蘆花上天寒白鶴棲醉來謀婦酒闋去借隣書梅信報東閣權歌過剡溪
留連歲色暮悵悵意何如

東山齋奉酬誠齋尋源齋二尹兄

東山高出泰山西俯視塵寰極目低良辰對酒成三笑其奈離程意獨悽

輓族君致中植洙

涼亭竹馬情何極江舍琴樽興不窮陳跡追思如夢境滿山寒雨灑濛濛

悼族生景珍瓚相

天年樗櫟老於山可惜芝蘭一夕殘雲齋猶照空樑月徹我心肝寸寸寒

敬慕齋與李致允之榮伯彥主浩共酬

賢山高仰止道水逝如斯韋氏芳園好李家書院宜煙霞入眼變魚鳥底心戲
瀟灑意無極相羊歸去遲

竹山族叔致洪教子欲速作詩喻之

興也天資可振門狎恩最怕病心君宋笛助長徒傷穀郭樹驗生還害根竭力
盡心而已矣大就小成有數存耕問其奴織問婦何須屑屑費多言

快哉歌

長夜未能寐鷄聲一快哉空山寂寞裡親友送深盃年老身為客兒孫消息來
寄生黑死局邊報耳根開苦臥擡頭起挑燈撥爐灰

次金元五農隱幽居韻

可農可士老斯堂敍嘯東臯納軟涼每向清晨荷弊簣且看晚節掇遺芳幸從
子舍伸情願舊契師門豈汎常古宅江山人不見臨風題軸進壺觴

贈宋吉洙相鎮

皎駒在空谷昂昂思千里大哉溟海鵬扶搖雲霄裡人為三才一稟得浩然氣
苟能以直養天地錯綜緯富貴不能淫威武何足畏鄙夫常碌碌自是欲然矣
守拙臥蓬廬只求勤敕士達人恒殊調所以名傳史

留別柳川黎子善萬馨兼簡朴晚初聖章熙道

可愛溫溫如玉人胸藏元氣太和春別日常多逢日少那堪衰暮鬢髮新

奉贈李泰賢鍾煥

集賢山下道川濱有閣巍然倚北辰益老當年眞影奉梅翁玄胄講先芬惟君
最愛清狂客爲我頻傾太白尊况復滿庭佳子弟家風似述振其門

蓮坡草堂有感

蓮坡堂上主人翁君子遺香愛慕中出水亭亭無俗韻臨風濯濯盪心胸每逢
詩社瓊瑤報幸接芳隣臭味同露白葭蒼人已遠追思往跡暮雲空

輓趙信五彰奎

憶昔丹邱寒水月分明相照紫霞濱今歲歸來人已去西山落日倍傷神

哭儉齋表敬來

溪上同遊士夫君最俊英講磨勤道藝孝弟通神明旨訣傳諸後文章斐厥成
一朝仙化去哀此苟求生

輓尹誠齋禹學

嶠南有一士藩破自成家縹縹千仞象習習一團和所學淵源正用工制度加
冠山白日暮怊悵意何如

贈表君允集成煥允貞正煥允明道煥群從昆季

三鳳起千仞翱翔宇宙間嚶嚶志願大俛首學伊顏華陽直字訣嫡嫡妙相傳
應有過庭得致宗保守堅閱歷世間事莫如佳子孫寧馨生此傑可卜振高門

贈宗生仲烈

白首羈縲歲暮時寒風蕭瑟老懷悲願君視我前車鑑及此芳年早有爲

毛里浦與族弟舜功道汶共賦

逢君牙處不風流日暮孤城作小遊丹邱民物三千戶赤壁江山第一樓別來
疑面知何日醉後詩情豪似秋兩岸明沙璀璨目謾教鷗夢儘悠悠

過沈乃進景燮汕菴幽居

白首訪君汶水陽惠山秋月照壺觴千尋鴨脚萬竿竹助發幽人趣味長

和閔舜章泳儀見贈韻

十年湖海任浮沉不耐相思一寸心願君努力修吾學涉險前頭屬意深

題河毅鄉弘達飛鳳幽居

飛鳳山中寄草堂却憐地上有仙郎看書盡日無餘事城市山林一味長

贈趙文亨元奎

山翁遽作白頭翁桑海風霜老去中臨別爲君贈一語歲寒無負後凋功

述懷寄綺山吳正鉉麟煥三首

此身非鮪亦非鳶莫走于淵莫翰天安得鍊丹仙化術禁煙辟穀度長年
光風樓下訪君家大市通衢物色佳茅屋蕭傑車馬罕綺山隱士非君何
衰暮相逢托歲寒尊前其奈別離歎君能訪我湖南否馬耳雙峰出世間

次文周尙大人回烝韻

宜室宜家六十年人間五福自天然承承奕葉三憂宅濟濟青衿四座賢爲愛
芳蘭繞右砌更聽鳴鴈下初筵嗟余臥病窮山裡趁賀未能愧意先

奉呈陶山李熙章博鎬

夫君眉宇淨無塵邂逅相逢眼忽新見蛛猶感朱夫子况復陶山家裡人

題沈應進琮燮溪菴壁

沈君應進卜居于默溪上自號溪菴居士居士與余同年同月而生干
支差一日彼此不相見殆幾十霜今忽拭青相對面凍梨而髮成雪矣
握手相笑賦呈一絕
獨抱瑤琴過默溪金徽玉軫子能提滿目雲山留遠客床頭壺鳥盡情啼

輓沈石南應魯浣二首

蚤年志業謝公車棲息龍岡一草廬停鸞峙鶴今如許可驗平生積善餘
走儂匪德託忘年尊酒逢場意洽然親朋飄零公獨在胡爲今日又重泉

訪東菴具性郁鎮斗

爲愛東菴趣味清良辰策杖訪古城鋪筵枯韻要言志剪燭傾杯各盡情夜冷
霜華垂露重秋深雲翮遇風輕悠悠別路天涯隔儻記湖南一老生

題具性郁晚尋亭

鳴鳳岐陽白鶴汀主人行樂付孤亭終朝對爵交歡伯永夜挑燈閱汗青古郭
圍村遮碧樾群山赴壑列蒼屏隱居求志多幽趣世醉腥羶我猶醒

贈崔碧善長元植

憶昔先生世時君猶侍側作嬰兒於焉嗣德今如許自笑衰翁白髮悲

朴聖章扁其所居之屋曰晚初蓋其晚年炳燭之功欲復性初之意也詩以示志步和以贈

志存明善復其初學欲求仁實若虛堂上主人兼是德眞工何必更詢余

奉呈族叔應瑞乃範勸課兒孫

天下多才子壞來不學文休將禽犢愛致彼豬龍分產業非常有令名沒世存
窮廬同所歎胥勸戒兒孫

次素軒居士回甲韻

素軒居士李君奎洙晦夫余之畏友也居士於屬爲族子而以齒則後
我一歲矣余嘗稱居士以爲精誠透金石義氣爭秋色十字善摹寫居
士真境十分也或疑義者斷制也於時爲秋也收藏也肅殺也居士必不
壽矣余曰不然顏子春生也孟子秋殺也然孟子已壽於顏子况義直
道也人之生也直罔之生也幸而免盖謂直則壽不直則夭乃理之常
也居士以直聞於人其壽矣乎吾以是語賀居士之甲宴宴有詩不可
無次

世事驢磨跡人生鳥夢過所行能配命壽福自求多

輓戚丈郭擇賢致福二首

童穉情親五十年尊前風月浩無邊豺虎縱橫人不見荒山落日淚悽然
令郎齷齪從吾遊頭髮皤然學未休儒業成名非易易非公誠力可能不

贈文貫一道洪

家書投澗水方策宜存誠贈言吾豈敢數字寄真情

題李汝見時發良雪堂

若士媚幽獨雲鬢翠作屏仙杵調雪白鶴髮對松青
許氏華中趣陶公嶺上松識荊終可償合下愧龍鍾

李汝見河公賢相送于宗人德華醉汕堂

白首相逢會事奇江湖一別香前期風雨雞鳴懷正惡那堪門柳綠絲絲

輓李聖三性奎

化翁多猜人事多變態生何所嘗惡死可所嘗愛默數泉臺下一一好儕輩
伶俜我安適晚交惟君在憐君魁梧質軒昂見志槩文酒倒廩困塵談露肝肺
一別天涯裡歲月不暫貸孰謂未死前歎面難再得幽音忽已至寸心慟不耐
匍匐入寢門悅然聞警效痛哭復痛哭和淚致一酌
贈李君子膺鍾舜兼簡姜君致權李君子由鍾現
摻執子之祛行行適大路一差便越胡舉頭恒須顧

謝黃舜舉迎洙贈丹

水碧金膏物外珍茶缸何必煮先春憐君此日慙意爲恤衰翁濟病身

題文林浩然亭壁

二樂先生解綬還考槃邁軸在江于養以浩然生理直亭亭庭樹出雲端

奉和李而重相吉櫟軒韻

取櫟揭軒額謙謙自牧人問渠何所以賦性本清真

輓鄭竹醒闇教

後溥亭上主人翁餐菊酣觴老此中富貴浮雲非所願詞章喪志豈其崇終日
踞居持己篤畢生恭謹做心工先生許我忘年契臨訣胡無說素衷

留宿郭仰汝夜坐書懷

寒潭秋月本源清末路新奇動輒驚眞訣莫將隨俗變品題私立向誰明山南
凍李渾無賴郭北寒梅却有情九野玄黃龍戰血坐令奪魄守孤城

輓趙林坡暎奎

我公天稟異於常智則其圓行有方兩世人豪雲谷裡數間臺榭紫山陽蘇公
來往張靈壁申國招延焦百強出門設祖知幾日忽聞幽音淚特滂

題文鍾龜大夫人高氏孝烈閣

高娘孝且烈有閣岐山前長孫門必大畏壘隣稱賢宜詠栢舟什可傳女士篇
口碑用篆石人爵更何憐

贈文生袁泰

願君努力少年春身老神心頓減眞事非實事歸虛事人不爲人是豈人秦律
詩書天必戮周修文德命維新如儂潦倒嗟何說但用巴謳勸喻頻

哭金士重

天涯爲別寸心傷兩地音書阻一方東來九月青山暮辜負黃花與子觴

次吳氏源泉亭韻

有亭翬革碧山前萬卷詩書數畝田試看彼川逝者水從知斯道出於天先存
心地方存性欲學聖人自學賢寄語君家諸子弟顧名思義在源泉

哭一谷李兄

分手天涯隔相逢未易期今來擬穩討死別是何斯

謹次許秘丞止慎亭韻

亭在晉東勝山之慎獨谷前秘書郎許丈駿晚年藏修之室也公嘗出入於淵齋心石伯叔子之門伯子命其室曰止慎亭叔子題其額良齋田丈記其事噫公行年八十有餘歲謝絕塵鞿以烏巾鶴擊入處其中慕效衛武公九十之抑戒篤守蘧伯玉五十知非之心欲將以終其身其立志於不欺之地儘出於慎獨上工夫若公無愧爲止慎亭主人也次其原韻以備他日講世之資云爾
別業新成晉水東丹崖翠壁古今同却把真心止所止悠悠天地一閒翁

次許禹榮萬海勿里齋韻

粧點名區眼界通江山不許換三公肯堂嗣德追先志營築當年積費功曠野煙霞縹緲裡滿園松柏翠微中南來倦客登臨晚拂袖清風興未窮

登道山堂有感之作

堂是下氏三賢誠久祠講堂也頃年其后孫持憲公應洙請余以賦其事因循未副今登斯堂公已沒矣自不免堂新人舊之歎聊賦一律以示志
聞道山高巴水活三賢遺蹟闡吾東耽羅大義君臣重唐浦奇功父子同誠久祠成登俎豆日新堂古振儒風南來此日多興感肯構真心一氣通

訪族雅教瑛基榮鎮海新安幽居

潦雨初晴秋氣生偶然文酒一堂成人情每戀歎深淺族誼何須問重輕村邊古木蟬聲老海畔寒潮鴈背晴家在湖南三百里臨岐衰髮不任情

題閔寢郎浦上別業

閣中間坐養心猶勝服龍齒湯樓上抱膝長吟何時日見春陽山尫吠故人來沙鷗眠晝夢長撫枯桐理徽音稽山峨鏡水洋

挽安湖文明中在燁

舉世尚樞蠟而君獨至誠對人如水淡應事似神明每念尊前樂頻傾肚裡情謾作天涯客幽音一夢驚

次河君聖洛佑植友于亭韻

茅亭寄在碧山岑浮世腥塵也不侵相聚廳堂楊氏範不離齋舍柳公心每念棣華連氣樂却憐槐市滿庭陰友于以御將何試抱膝長歌梁甫吟

冰月亭

危亭高出老巖頭秋月冰壺氣像休罷釣歸來臺上坐一江魚鳥儘悠悠

登文氏永慕齋齋在寶城壽洞

尊帝峰高仙閣深斯人粧點好園林山前靄氣助幽興枕下泉聲奏爽音雞酒
勞迎嘉客意春秋展掃孝孫心肯堂肯構○○○○晚登臨盪我胃

登南江亭

危亭蒼壁間俯瞰寒潭碧啼鳥與游魚青雲同白石謾將遊子心摹寫主翁蹟
欲說未能言凭軒坐脉脉

文生丞來從遊於天冠山下

二月東風過寶城見君眉宇婉揚清綠紅相暎壺觴潔始覺茲遊不世情

奉和蓮隱堂原韻李德潤別業

南來此日已衰年恐負蓮翁未死前碧玉孤莖挺濁水青錢敷葉出深淵濂溪
霽月懷中照心石高風筆下連清福如君今世罕人生何必願神仙

訪金貞亮基樞虎溪幽居

念子聊上訪春風過虎溪路脩年已暮回首意悽悽

謹次安五峯壽祿松梅亭板上韻

牛山東畔草堂成滿院松梅氣味清遊子登臨加景慕肖孫肯構見真誠春風
古砌千花發秋月寒潭一鑑明炎塵隔斷仙源裡端合幽人猿鶴盟

與曹國洪文章元携酒登龍門堂

龍門餘韻鶴南歸賤子登臨舍瑟希山川增彩雲潭筆尚有高風襲我衣

入天冠山中訪魏兄雲汝啓龍洛範洪良敘懷

賦別華陽後音書阻一方相逢浩恻裡白髮緣愁長

登魏氏長川齋

海上天冠擅古今晚來扶病一登臨峰頭恠石欺童佛林下寒泉奏爽琴別界
樓臺傳世業滿山紫翠競春心名區不換三公貴魏氏家聲夙所欽

上己日人淵谷書院與諸同志共賦○○○○

淵谷誰其尸老峯與屯村遺風尚凜烈行路○○魂

過朝陽吊文兄聖大守鎬追憶其先大人通政公

无憫家裡有賢孫尊祖誠心發自源秉牌踵門仙已化臨岐謾作責沈文

戊辰暮春忽有一青桐化生於鍾山墳菴堂砌之間因詠桐翁詠桐詩韻聊賦二首
桐翁玄宅好山水自丹青中有永思閣我來爲少停
一夕堂前砌化生一葉青梧桐生此矣鳴鳳應來停

石猴人聯句

憐爾石猴子何來入我珍厚山天然具四體玉質護千秋李應洙出自阿那地遭逢
應不辰姜在筆童行三尺樣仙洗六根塵李炳石如許有廉耻胡爲無屢巾金渭坤守
瓶終默默坐塑燕申申權寧洛西楚浴而冠青山放厥身李午相嘯哀澆樹暮啼恹
湘煙新梁柱鎬乍看立翁仲奇形泣鬼神李相圭停杯歌以詠所敬像猶人李炳珣

鍾山雨中聯句

雨鎖鍾巖久不聞厚山誰招韓子擎雲來姜在華林間有客擧巾襪李炳錫野外無人
送酒杯李應洙禹貢山川皆洛水金渭坤楚王朝暮夢荒臺權寧洛頽然隱几正愁惱
李午相寂寂重門萬念灰梁柱鎬

輓李致允之榮

山則惟賢洞則悟此間產出一賢儒訥言敏行眞君子寡欲清心是丈夫摹影
構堂先世蹟峨冠博帶舊時吾嗣孫好學今亡矣泉下有靈應咽鳴

題金章五晦溪堂壁

媚獨守玄隱姓名長溪深處草堂成南州高士餐何素桐柏山中躬自耕浮世
雌黃安足說賓筵大白各輸情標題以晦開眞面陰谷春回物物生

訪金君容浩松景幽居

松風吹瑟瑟梧月照蒼蒼恁地幽人趣誰能說得當

湖南歸路懷李伯彥圭孝

集賢山下道東齋盡日衡門爲客開尊酒淋漓風月好夫君胷次不塵埃

題柳氏棟華堂壁英琪俊琪兄弟所居

仙臺賓館抱瑤琴誰識高山流水音露白葭蒼人宛在卯君風格動雲林

挽族叔應瑞二首

同氣相求同病憐中間離合兩茫然歸來故土同人少其奈吾公又化仙

去年種菊九龍臺今歲重陽向我開寂寞龍臺人不見看花那忍更携杯

感興

白首未歇西歸思引領遙望魯泰山巍然泰山天下高周室明堂在其間一朝
太戒御明堂萬區玉帛太無端借問闕里何處是千載瑤琴徽音殘數仞宮牆
人寂寞閩蕘欺世紛出關哀我人生靡所適悲風落日意辛酸有屹靈峰出雲
霄仰之彌高不可攀龍門餘韻興言理天下將措泰山安第待河清好機會得
佐下風掃戒蠻

挽全菊圃暢鉉

晚接芳隣結契深仙枰鎮日對琴心如何五福俱全老一夕遽然臯復音

愚堂客館酬金石友教德

蓐收商發九霄清適有良朋喚麴生今夕與君留一醉何須提起別離情

關東紀行

壬申八月十六日庚辰早發率鴈之寒[○]館禁秘書永哲贖之碧樵李
汝孝蓮坡黃善中遇堂金重敬出餞于聽琴臺重敬命其從子正復陪
從焉

空堂斃筮子望八作遠遊遠遊何處是楓岳在心頭
是日出宿于蓮汀里正復家習日早起以詩呈沈參奉鎮杓梁進士基
衡李參奉光儀李進士瓚溶鳴謝駙山負約前此與諸公有駙山共遊之約故及之
我向金剛去駙山信誓寒願君俱努力掩戶事加餐

十七日辛巳登鎮安府鶴樓樓

馬岵雲中出鶴樓松下樓孤城非疇昔寒日我心淒

十八日壬午過茂朱安城孔子程子廟隔在東西溪上忽不得八暮

訪沙村金永祚永祚往孔程廟不過

聞說孔程廟夫君往會焉今行不相見空作責沈文

十九日癸未踰德裕嶺

巨嶽鎮湖嶺晴川入錦江行空遊遠目身似僞飛雙

二十日甲申歷訪李教瑛於池山教瑛已作古人傷痛之餘因吟一絕

愛君真率意相訪茅山濱山空人已去落日倍傷神

簇生培元自大邱適來於此意外相逢欣豁可量與之入茂豐柏山堂

瞻謁河文孝公及夫人李氏真影基本孫泰義千秀諸公來見講世誼

樵隱曾孫婿晉河文孝公柏山遺像在齊體奉安同

二十二日丙戌過智禮遂登芳草亭與希中而先允若君植諸李敘舊

暮宿直菴李鉉周家

平生道義契次第謝凋零相逢不忍別歸杖暫留停

二十三日丁亥過金泉驛有感

憶昔我訥翁來侑金泉紱郵吏亦何官鳳臺閒弄月

二十四日戊子過尙州追感先祖平簡公聞調樓故事

猗歟平簡公按察江東國遊上聞調樓題詩記往跡

二十五日己丑過咸昌入帽山訪李基鎬國輔翌日同入佳岳齋展拜

族先祖佳岳公墓

桓桓佳岳老伐鉞穆陵朝后姓食其報土肥世業饒

二十六日庚寅與諸族會飲奉贈國輔致成諸彥

君家知在洛江濱夢裡相尋徒惱神扶病東來三百里芳園桃李敘天倫

二十八日壬辰入龍宮之長松里宿李進煥特平東基孫家翌日同往立巖

訪梅雲堂嗣孫宗烈不遇

文烈文忠百世宗傳來祠廟在龍宮嗣孫尙守菟菴裘室題鳳歸程意緒忡

暮宿順興府金叅奉教林家槐村安相鳳適來會焉兩公晦間開巖兩

先生之後裔與吾先祖梅雲堂棟谷兩世有淵源道義之契一見如舊

交翌日入竹溪祇謁紹修書院適值秋享致齋日僉議以余爲梅雲堂

后孫差定大祝官因利行祀事遂吟一絕

紫陽餘韻竹溪傳自是東儒紹述賢卷言先世淵源重輿疾升堂薦豆邊

初四日丁酉登景濂亭謹次退溪先生板上韻

峯蓮霽月色溪竹光風聲景仰周夫子乾坤高此亭

是日欲發金剛之行左右固止曰此去金剛尙餘五六百里老人筋力

踰崇山峻嶺輒到于彼則奄當十月節積雪晚山天寒衣薄勢將凍死

乃己不如旋歸第待明春更圖可也余乃不得已將改轍而西因吟一

絕

冥翁無信天王鬼佛日菴爲方丈遊楓岳仙靈嫌俗客徒行千里半榮州

將向驪州與李豐煥抵豐基邑豐煥使佳娥酌酒

白首相逢拭兩青何妨連日醉而醒新豐少女纖纖手滿酌流霞別有情

五日戊戌自豐煥金鷄別業踰竹嶺

小白山中秋氣深行尋竹嶺穿雲林借問驪江何處是歸雲點點暮城沉

詠小白山丹楓

丹楓粧小白楓岳太無顏芙蓉千戌消一水瀉其間

六日己亥朝發丹陽邑

留醉丹邱館飛過羽化橋雲深蒼玉府風起碧波濤怪石層層佛奇巖束束刀

顧瞻不忍別住杖故逍遙

清風途中

行盡金鷄過玉筍清風光景眼前新暮宿荒江浦上店商船來往漢陽濱

七日庚子過忠州府追感叔先祖梧齋公船入漢陽故事

梧老治疏觸主昏慧翁適守古忠原忠原太守辦船費分付篙工入闔門

八日辛丑聞忠州士林建祠宇于華山祭孔朱安三聖賢配以安門六君子先祖梅雲堂六君子中一也欲入觀光足
繭旋止

硯山道統廟只奉孔朱安屹彼華山屋迫濟六子賢

九日壬寅抵泊于姪兒武用之驪州上巨里寓舍

憐爾他鄉獨修花間關千里訪山家追思亡弟前身事老淚如泉不奈何

十二日乙巳正復辭歸殊甚悵缺因齋贖治行

千里同行喫若辛今朝奈作別離人寄語湖南諸父老渠儂楓岳不媚神

十四日丁未武用導我入驪州府府中有尤菴宋文正公大老祠行瞻

謁禮因吟一絕

清心樓下水西歸大老祠前草自菲幅巾大帶來瞻拜想我先生起一唏

午後渡江登黃龍寺奉玩陶隱先生碑文有感之作

菴邊蒼壁枕江湄陶隱揄揚牧隱碑苔蝕篆剝難可讀摩挲盡日意懷其

十五日戊申拜上巨里李大將浣墓

尤翁際會孝宗朝將伐胡虜舉傑豪李公才畧兼文武若定指揮也失蕭

二十七日庚申抵泊大阿地先庄感舊述懷

太祖館甥景武公駒城世祿褒殊功諸孫竄逐莊陵禍野社虛無駙馬宮

是日自崇三洞往樊里訪金東江不遇

千里相尋同氣求先生何惜一場酬相思不見平生恨願借莊園夢裡遊關東紀行
止此

哭金仲賢教必

高秋八月駙山陽君送渠儂起次郎次郎別去驪江上庾子心驚枉斷腸

哭全國卿一相

口戒桑龜足履冰琴心對友眼雙青寂寞山河餘古宅失吾賢侶孰依凭

帶方歸路轉入三峯訪李上舍禹洪述懷

十載神交今始逢片言便識寸心同若非此日南歸便陽界空然負此翁

姜君子翼鳳馨遊金剛山來說其景致甚詳感歎而作
冥翁方丈我金剛猿鶴猜人故止行惟君最是多清福飛上昆盧振厥裳

題族弟聖模尼沙堂壁
尼丘山下餘沙村富貴文章列戶門惟君志在宣尼學生長餘沙道我尊

和族弟性謙道長石樵軒原韻
兒徒習藝林秉耒躬耕深水活先天色山明太古心酒因賓到設詩或興來吟
石里漁樵近西峯日欲沈

哭沈亮彥在寅
猗猗園中竹落落澗畔松溫溫君子人在彼水之東所樂非金籥英華發於中
芝蘭嗟先萎樗櫟天年終至寶難全世氣清命數窮我來一慟哭寒日懷其風
親老在高堂言之摧心骨

訪崔善範幽居
歲暮松亭亂雪加拭青相對老頭陀剪燭塵談情意密驪駒不忍去婆娑

癸酉冬同崔善範曹性直柳孟茂會于魯岡齋
居無儔侶出無隨踽踽涼涼不自支五老相逢成一會斯堂顏色倍增輝

哭崔鎮文
大聖山中小學堂與君同結歲寒盟扶病南來三百里依稀落月滿空樑

挽朴膺玉熙珉
如君操執世攸欽鐵石其腸砥柱心三世交情同一室天涯永訣淚難禁

挽李子膺鍾舜
化翁何多猜至寶易戲魔樗櫟終其年芝蘭早謝華才長者命短數也奈若何
道東空樑月老夫不忍過

醉贈松圃全文國
夫君謙自牧龍鍾若無爲承奉戒芻狗樞機慎桑龜澤美必藏珠桂辣無別枝
顧恤棄棄老逐臭肯相隨慙呼歎伯鎮日醉似泥水母負蝦蟆軀命以相資
行潦漚濡誼江湖詎忘之荏苒歲華暮顧影共嗟咨

挽李艮雪汝見

嗟哉艮雪子秀拔朱溪鄉奇操如冰玉英村擬棟材林泉遺逸老蕙佩陸離長
會面在心上聞哀淚滿裳

築洗塵臺於村後與全文國共賦
百丈危巖下飛泉噴薄流孤臺雲外出端合洗塵愁

萊山瀑布
驟雨空中至銀河天上來廬山如未見來此見蓬萊

蒼玉盤
盤陀兩石間一水自清瀉面面皆神剝保堅千載下

萬林社
萬林鎖洞門何處仙源是膏火煎人間清風吹這裡

雙溪亭和山南族弟如日道繼
方丈山中一石門緣何飛落此巖前歸然臺榭無人守千載孤雲必有言

挽丁湖隱夾圭
氣宇軒軒稟性溫如公美質更誰存堪嗟白首西河淚幾共青燈北海樽忠孝
相傳家法好衣冠必整視瞻尊吾林老宿今淪落愁雨淒風欲斷魂

趙君大睿見訪
窮山病螿故人踈特地逢君問起居咀嚼英華滋味厚盤中休道食無魚

哭龍南族君舜九
頃年雪裡訪吾廬議整一翁載道書此日南臯團會席思君不見意何如

挽華圃鄭啓先
夫君棲息柳林村滿室儲書至樂存人間富貴曾何物百事無如佳子孫

同金重玉吳雲從諸彥展拜一齋先生墓下
鳶飛魚躍各任天一帶泉流注百川老矣今吾無聞死聊將此理付青年

贈丁聖洙南鎮永鉉諸君
我愛人間妙少年心藏耿耿未能眠丁門有此三奇寶難以千金買得焉

一齋寶林山庄爲山僧所奪詩以傷之

寶林山色鬱蒼蒼侯伯聞風築一堂云何先哲藏修地任彼山僧獨主張

訪柳景肇源模萃巖幽居

曾朱壁立志嚶如鎮日牢關讀古書世間狗子罔知性鸞鵠君家慶有餘

賀族弟元善道滢亨善檣洞新築

山水抱環畜地靈古今人傑箇中生掛帆行舟知在此青鳥何必費神精

哭閔檣山邦瑞用赫

荷衣蕙帶老窮山獨坐那堪抱膝歎三載離違猶悵缺夜臺况復隔人間

哭閔性均準植

公是晦亭膝下身風流儒雅法家人云胡一疾終成訣水啞山聾寂寞濱

哭崔陽齋子雲俊庸

孝友元天植學文世業傳若士已云沒鄉鄰痛悼焉

題率鴈聽琴臺

天然玉女理雲鬢獨抱瑤琴出世間洋洋流水時傳響瑟瑟松風靜聽寒野老
携尊歌鼓腹遊人拄杖對孱顏噉噉夜月飛來鴈翔集平沙意自閒

挽金重溪景陽壽老

道學分裂除擇友最爲難朝結金蘭契暮以仇讎看心交朝暮遇道同符片言
顧此棄棄物一生多訪訕君獨何所取置我知友班愛我本源正相逢據素蘊
悶我孤無助極口解紛紜知我好飲酒勸酬意未闌嗣德孝且仁如何壽未完
鄉隣咸痛惜况復止慈間遭此喪其明因以奪神魂日月曾幾何訃音出夢闕
天涯一灑淚無語對孱顏

題蒙齋壁

吳君德潤自宜春之泉谷來寓晉州府水晶坊扁其所居之室曰蒙齋

聊賦二絕以寄

山下出泉不舍流擬將放海入康州康州城外鳳山下爰有名村水一區
蒙齋居士自泉來卜築斯于趣味開明牕靜几點周易功在果行畜德哉

步和鄭亨檣泗陽齋板上韻

記昔方壺此屋成黎翁珎重揭扁銘致知方可工逾密居敬誠能道益明移卜
泗陽高數尺仰瞻尼岵接三清元賁尚在亨櫓介男直夫移建此齋故及之修先業獨抱瑤琴
奏一聲

奉和兢菴周德彥時東道山書堂韻堂在陝川丈林
道山深處置書堂多賀夫君學有方綠樹繁陰藏夕照平江灑氣接天光聿修
厥德宜期聖不失其馳善御良塵世相逢開口笑風流儒雅未能忘

與河毅卿弘遼河性權經洛朴聲振遠鍾會飲泗陽齋
身世浮萍東復西積年經紀訪君棲已從衿佩來山閣誰把瑤琴過玉溪平生
講腹程朱道不願聲名李杜齊老矣無聞何足道且將餘日酒杯携

訪族君聖模沙月幽居
形勝餘沙里鷗夢儘悠悠中有一草堂蕭灑出溪頭溫溫如玉人衿袍絕塵愁
尊酒以相酬逢場足風流一雨過山村凭軒共賦秋

輓玉泉文允一錫杓
獨抱瑤琴過玉泉歲寒心事曲中宣水咽山哀人不見空留明月屋樑懸

宿族君享煥璋洙歸讀軒
新安江水碧如天暇日傲遊儘有緣多謝主人修本業畢生家計付林泉

聞族君華秀纘洙罷繼歸宗聊賦一絕以賀
本生無后宜歸宗禮部公文况未蒙惟君篤信華陽老特地警來渾世聾

奉和梅南齋韻李允執書堂
梅南肯構永思亭鏡水稽山擅地靈每念先公崇德義篤生肖子此寧馨田園
第宅新粧點文物衣冠舊曲型聊誦瓊章多傑作愧吾衰拙送虛齡

奉和全君文玉晦溪堂韻
憐君學古不篤今粧點靈溪趣味深寧死肯從禪陸術畢生程憲晦翁心充危
杞菊眞清餉揭壁圖書是警箴風月無邊尊有酒莘莘衿佩日相尋

挽文君晦叔泰享
勤儉成家古俗人課農教子守吾眞每訪仙廬尊有酒胡爲今夕臥黃塵

水雲亭示鄭達永源根文德夫永哲族弟孔承道源
虛負青年老奈何寒鴉難繫怨羲和君能鑑此前車戒他日光華勝齊華

望春臺與諸族生共賦

棧道躋攀難上天千尋危石出雲邊
寥寥仙窟藏風月漠漠江湖斂夕煙
反此良辰宜賞玩何妨盡日共留連
神衿飄灑憑空立眼界恢恢氣浩然

李周汝教冕冠日會飲

多君佳會酒杯深欲別還停更討心
三百三千斯禮大主人此意足令吟

宿俗離寺

先王何事好觀遊命吏冤魂咽
百秋層臺高出民財盡不待龜頭斷血流

訪尹彰漢南溪別業

無好人三字適爲自賊身却憐尹氏子
天資近於仁

挽金竹潭丈

猗歟竹潭翁愷悌君子人餘力學文藝
質行篤彝倫抱玉見別泣我生嗟不辰
晚收桑榆景源溯潭巴眞見推菑山老就
正武溪濱送子心石堂我理分主賓
粵昔山頽後遺編就掃塵招工壽其傳
士流景仰頻賤子每被獎情同骨肉親
今焉已云沒臨風意酸辛

病中偶題

深藏不市士遯世无悶翁閒臥北牕下
樂天考永終

厚山集卷之二

書

上淵齋宋先生

頃付書伏想已獲關聽矣卽日陽德漸旺伏惟涵養道體氣力崇邵區區慕仰
不任下誠道復竊記念門下嘗謂門人小子大凡看文字與其穿鑿生病不若
活看無弊又常罕言性命等說以故世儒或相竊笑之道復亦其惑滋甚矣近
稍覺得年來道學外面被俗人攻擊裡面被吾憲作壞率由於世之學者喜談
理氣穿鑿生病之故而其患至於如此乃知先生以潭巴嫡傳遵守前賢塗轍
不失其家學也是其所以傳補斯世如勦業之主旣成汗馬之功則垂統繼世
之君當憂勤惕厲守而勿失而已若別生家計欲廣土增民富國強兵有不敗
其業者鮮矣然則門下相傳家法比之今世新立門戶批鑿猥屑者不啻霄壤
懸隔矣比日讀書覩得此意思分明寸心向往於函席勢若傾湫倒海而不可

禦也然竊嘗思之吾儒法門勿論彼此皆祖述朱子云爾則大全語類中論理之說橫說豎說指體指用雖立言之不同而如性者心之理理同氣異之說擬之於近世好論心即理理偏全者果是同乎否乎若同則幸矣少有不同之實是豈祖述之意也哉曾欲類聚朱子理氣心性等文字分彙成編以幸學者然窮鄉晚學見問設寡故有志未就耳伏乞門下留意焉則道復雖不敏當侍側注措仰成其萬一也權生行暫此布告更乞裁喻不備上候書

上淵齋宋先生

年來雲泥陡絕音耗莫由聞伏悵何極即日炎潦方屆狀惟丈席體候履道神相區區慕仰不任下忱道復歲前挈家眷群弟輩相聚于新安又冠兒子已經醮禮亦足爲浮世之滋况謾恐知之第惟念新安精舍尊菜之不可行既聞命矣然前者稟命時猶欠昭詳其曲折故此間父老欲聞其的當之論而以從違耳蓋本舍即朱宋二賢俎豆之所而一方士林依歸之地也則其尊重無亦自別於他所乎噫享禮已撤猶有此一事足爲羊存之證而併此去之其無實而獨巋然者武斷之人指爲渠們酒食之場矣竊恐門下昔年再造之功無見其彷彿矣此事不亦冤乎昨因進候即欲暴白其形便然諸父老猶望道復之一番往稟其顛末故姑止之矣伏乞昭示其可行之規使本舍有倚重於來許而多士無疑貳之端幸甚

上鄭艾山載圭

伏惟窮霖道體崇邵道復不媚于人上下人口頭所謂人口非他阿附石梧丈貶迫門下此不過好事者吹毛之說雖不滿一笑然傳聞之話頭不美不得不辨伏乞諒察焉前於龍湖柳丈家略聞勉台論迫石丈之事私竊以爲若石丈改心革面則已不然則勉台之誚讓反爲鼓風助瀾去見勉台曰大監之論迫飛章人非所以解紛適所以速禍云云回路訪田生見卿見卿云昨日石丈以再通之意輿疾入晉府其氣像甚咆哮聞此奇而自語於心曰向日之吾所鼓風助瀾之云果非妄也即欲自見卿所入晉調停然身被重哀有骸瞻聆是以己之歸嫁數日適逢石丈里中人付書調停蓋書中辭意果有異與然諷人之語觸耳逆志人孰肯聽之哉道復之意斷以爲勉翁與石丈更好則便無事矣故不顧傍人是非說出人不說之言以調停兩間此間人初不見書中辭意之云何道復本意之云何一言蔽之曰攻斥門下是不過擯人一邊各樹其黨之意豈朋友間相愛之道乎伏愿門下曲垂下念焉

上鄭艾山

前因龍湖便付書伏想已達矣士論紛紜近復如何愚意爲門下計更無別法只當引過而已只當無辨而已若欲是己非彼攻東扶西而分疏不置則一番分疏又增一層罪案矣此理勢之必然也栗翁嘗欲洗滌東西黨言于朝曰西人未必盡君子東人未必盡小人語其失則皆非也論其人則皆君子以西攻

東不可也以東攻西亦不可也此一段語可謂今日準備之訓而明白坦易有似乎聖人之言也此間諸公不此之鑑不顧題目之如何事體之如何一以是己者謂君子斥己者謂小人其議論才異於己忠告善導之言反疑簧舌其禍乃至於此良足撫躬太息且以當初事言之猥筆入錄非門下之本意也文集錄梓于新安亦非門下之本意也不幸今者有一二人前後生事於其間嫁禍於門下彼則奉身而退言念此事之顛末令人毛骨竦然望後欲作湖行返役後當面稟矣

上鄭艾山

道復生長僻隅見識孤陋受質庸下而才性鈍滯辭氣龕鄙而動作躁暴似此家計平時自評於心則不過痴獸一罔兩漢舉似於人則亦不免庸劣之賤丈夫當時若無父兄師友指導率之力今日之雕虫小名豈能翻動於鄉里哉嗚呼昔我先君好賢如不及教子以義方常謂不肖曰吾黨之士有汝所從事者四因因動色指示云舜卿吾友也汝勿以行輩待之艾山其人可謂粹面盎背吾每見不覺斂衽起敬淵齋可謂今日儒林主盟而華陽之嫡傳也勉菴之大義名節有光於吾東汝皆從學焉不肖承命惴惴不敢自懈初見舜卿欲稟學舜卿雖不以師道自居然其所開發警省受益實多矣年十八隨先君納名請謁淵齋於南遊之日其後奉先君書執贄于函席而受學焉既勝冠幸蒙門下不鄙見訪弊廬道復時以故人穉子獲侍先君之側門下愛余甚厚名余曰道復字余曰陽來自是厥後雖無升堂受句讀之學至於開卷講論兩手分付促膝明詔情誼稠疊片言尺牘殆連歲不絕矣但合下無狀頑鈍無比喻之懇懇而聽之漠漠教之諄諄而行之沁沁尚不免做道不成做僧不成而所謂三十年後莫言不道者不幸而近之矣往在辛卯年間先君又裁幣命謁勉菴於抱川不肖承命而往納拜而請教焉凡此數賢之門往來請益殆如朱先生之奉遺命而往事三君子之門也然愚嘗竊疑朱先生蒙被三君子之教育其恩義並至而卒乃見延平曰屏山籍溪皆好佛老又自見於此道未有所得指斥不諱如此其故何也朱子之意必曰三君子學術不正延平則見道分明師也者道之所在故以道尊師苟非道何必謂之師也年來讀得多少書閱去多少事歷交多少人稍覺得此箇道理儘天下之公物而往往被了人私意而壞却也苟道也天下之人皆可師如其非道雖弟子於先生之過當直言不諱而至於師生稱號之末節尤非古人之學所嘗戀戀者也不審門下以爲如何今以新安刊事言之道復之尊慕蘆翁有非恒調人比其道德之宏學問之精可謂鑽仰而不足惟猥筆納涼等文字闕繫道理之大源後生末學雖不敢窺測其立言措辭恐未免貶損先輩彼飛章攻斥之人姑不足道如道復憂士論之分裂寧拔去有嫌等題目以杜今日全邦士林之口第待後世之正法眼藏有何過舉而乃疑人於不疑之地目以指斥先師甚則謂復理前言陽擠而陰助道復自聞此言即當追進門下極口分疏遙想其風色咤哮恐無容足之地然佛者之言有曰心不負人面無慚色只此是格言也幸須垂察焉常以朱先生所

謂漸平者今乃激而愈偏爲憂則道復亦當以始叅差卒同歸之訓奉以周旋矣

上趙月臯性家

比日霜令體候崇福侍生自分飲啄世間事無相與人于涉而只緣士友之往來者一邊淵門人也一邊蘆門人也故兩間調停其是非期欲打破甲乙不平之論以扶此己頹之士氣而不意蘆門一邊之論置我於通文一隊人恐喝滋甚令人齒冷其分疏曲折有非紙面相悉早晚當晉候而面陳矣伏惟嵩亮

上金重菴平默

道復春間獲拜門下既蒙書教又承面諭其於人獸之辨天理人欲之機學問邪正之分尤致奉奉焉侍坐數日不覺神爽而心醉也前承示及讀易以本義爲主之說道復當初也聽之尋常矣歸來蓬葦開卷試之大抵聖人作易之本義專在於觀象數問卜筮而已詳味孔子易有太極太極生兩儀兩儀生四象四象生八卦之訓可知矣然程傳特以理爲主者蓋焚諸經而周易獨以卜筮之書免焉故自漢以來儒者無人識易理而以太極看作象數中物件其害亦大矣程子之論只是救時之弊耳愚意如此更乞裁喻

上奇松沙宇萬

隔歲伊阻瞻仰益勤竊有奉告者老先生遺書實賴士友之力錄棗而行之此是吾林之盛舉也然事貴有成其可成之道只在我盡我之道而令人無指點處而已以愚見揣之遺書中猥筆納涼等文字果是貶損先輩其機者爾理無偏全等議論乃程朱之明訓今反貳之無亦有礙於百世之公眼乎幸須剛去其礙眼者千萬幸甚

上郭俛宇鍾錫

道復於門下生并一世居同一鄉又爲先人道義之交也則誼當秉牌造門恭修洒掃之役然自道復之成人後門下離鄉遠遯可望而不可親徒切高景之忱而已不意向日赤壁舟中邂逅而請拜乃蒙收故人癡子之列愧感交摯罔知攸措自訟之餘相招一二知友踴躍赴行次所則御者已發于汾西矣歸來江上茲遣兒子替候伏乞賜坐提誨惟祝旅中令體爲道自愛

上金約泉鎮祐

昨冬養直來唁慳惚不及究所懷窺矚其容貌辭氣加卜法家拂士且道兩家契好語說惓惓此意何可忘也伏不審天和孝履支重奉奠之暇講究經禮大而五禮細而三千三百能煥然冰釋怡然理順否復素昧襍服之學卒當大故居喪以來諸百生受悔尤益深奈何奈何近看家禮冠禮則身及父母無期以上喪昏禮特言身及主昏者所謂主昏者非宗子耶若取婦者支子則無可說

也已爲宗子別無可使主昏者則昏書及祠堂告由誰可主之且冠禮既不許父母有喪者則古今時勢不同臨時冠者必不免從俗矣然則身被重哀而冠子無乃大違於家禮之意乎幸須詳考古今典章駁教之至懇

上柳龍溪基一

前承指喻尤翁之短處是長處終恐未解蓋人非聖人有長處焉有短處焉短處還他短處長處還他長處執兩端而權衡之其知人之藻鑑得其公平矣非特尤翁爲然雖以曾子孟子之大賢亦有短處曾子之魯鈍是曾子之短處豈可以此長於一貫之道乎孟子之英氣是孟子之短處豈可以此長於性善養氣之論乎竊矚門下氣象豪邁過之而小溫厚和平故常慕悅其近似有此說也變化氣質是學問之要道也伏乞門下留意焉則爲斯文之幸甚語涉唐突伏乞休咎

上李判書容元

前冬辭退後轉遞修幅想達遠溪承召啓行時原明上舍付書中小札未知己獲關聽否道復其時陪師門入城留止東門外紫芝洞見其登對而歸退守門下前日之約於濂洞今溱原家歲暮京館車音尙寂眼欲穿而心欲焦不得已而出龍仁墳菴展拜先墓迺新于此矣伏念門下歲前既未發程則開正之約無亦息壤在彼乎更乞掃萬動駕俾遂初志茲以送人致懇伏惟下察

上權校理鳳熙

權友跋涉袖致下覆伏讀再三滿紙繾綣使人心醉備審伊時風氣不佳尊體氣致得侃損雖是時候之例症私心貢慮不啻萬千勉翁尙留在雙溪處暑后動駕云計日當以今明間啓行矣但道復曩時約與文丈同餞于那上而事有掣肘言竟不踐皇恐無己書末所論宜晉之役略聞其景槩於人道復私自語於心曰門下前日之事却是偶爾豈可以再發三發觸暑飲病扶曳遠役樂赴人是非林中乎此則鄉黨自好之少年必不肯爲也况門下之厚德重望足爲師表乎吾林而年且滿致仕之境乎致仕之年國政當在家與聞况同室相關發文沮斥之事乎或持以有問於門下門下當曰猥筆措語果是砭斥先賢固當聲討然際此當時之日東西兩黨之論不啻高於終南而舉此過當之事乎且聖人之言有曰疾之己甚則亂曰必也使無訟斯可己矣云爾則門下德義之日崇當如何哉伏乞忍心改圖益安義憤以俟千秋不勝幸甚

與宋衛率胃憲

頃付一書於東岳矣達否每引領東望華陽山水徒勞夢想伏惟寒威閉野旅中制體崇衛校讎先集百事撙之餘無或神觀頓減否遠外馳情而已先祖文烈公墓表其間伏想入梓也向自抱川復路宜入軒下以助掃塵之役而陰竹路中偶逢竊發之患狼狽而歸伏乞下諒

與鄭承旨承鉉

向者致吉兄過存得聞令公撤歸故土欣幸之餘固當一晉屏右貪聽緒論然一自世變後病廢杜門息交絕遊知舊間問訊往來一切都却只僅得出入者兒輩流寓湖南而屢世先塋四代祀版尚在丹城故也一蠹老先生遺集重刊之役前者自濫院儒會公議峻發使道復既整頓其本集又收拾諸家續成年譜一篇道復不揆僭越廣搜博訪聚精會神三年而後咸實斯文之大幸後姓之感歎者而旋聞自本孫中有一種人以此反索疵於道復及致吉兩人是何故也聞來令人噴飯餘在致吉兄口悉不宣

答鄭觀察泰鉉

前承惠復感與悚尙無以爲謝際此時憂高於終南日早甚於雲漢人無不病矣令體得無以時促損乎遠外奉慮道復歸臥江上病與爲隣惟憂用老他何足道哉儒通謹奉而傳布列郡矣未知近間自彼中或無申報耶權書末由討便遲滯此甚難免張思叔之戒也臨風布腎惟照亮

與金承宣福漢

索居遐陬便風陟絕修敬問訊亦未易易每西望浩歎不禁神往而心馳也伏惟年來身誦道亨益安義命否區區願聞窈有仰慰者伯先祖陶隱文忠公遺書我 恭靖王命閣臣勘校錄梓而行于世但後姓不振至今五百有餘歲狀無玄晏之文墓無繫牲之石是不可使聞於他人者也前年雲仍之在星州者鳩財伐石謁文於令公以令公之大手其於文忠公之大節宜有以發揮闡揚而只年少輩倉卒構狀之故詳看其文生平事行多有誤錯今不免妄自釐正敦遣一人儒生伴簡呈納伏乞澄心濯察更煩手力改作一文俾我文忠不朽於百世千萬幸甚

與族兄月淵道樞

歲末一宵陪晤於泉聲嶽色之間滌盡肚裡多少輩血歸來夢想實勞我心矧伊隔歲契濶嗣音陡絕者乎不審近日佔◆之暇玩樂之餘俯仰良坎體認動靜陶養性靈風咏而暢之撰來得幾篇佳什耶道復嘗論吾林中諸老子作四科德行文學門下能兼之而至於詞賦聲厲格高入旗亭之評則當甲矣然如見說道妙談天機之作往往有太玄虛太冷淡氣味其故不難知矣槩想門下平日學問離余論理自是欄柄是以其病根駸駸然至於此境可懼可憂道復於門下兄弟也固當怡怡不當切切然其兄彎弓而射之孟子云何此道復所以眷眷於門下者也不審門下以爲如何自後問訊之間如有規箴道復當安意承教也伏乞情亮

與族丈尤山晦根

吾門衰矣一門長老未見凍梨翁後生少年亦自不墜祖武而繼述家風者無幾矣惟德我物望能扶仗吾家則有如吾丈與吾親而已今吾丈不幸有斯疾而斯疾也非時月藥餌所可醫則吾丈之疾郎吾一門之不幸奈何道復當趨時渡江問慎候自顧行色自安山迴往返千里精力萎茶尚未抖擻早晚追拜伏計耳

與族姪晦山宅煥

一幅書千里來展讀可釋紆鬱况審蒙 恩授職再入臺諫先祖積蔭之餘豈始發於賢座乎闔族感祝罔知攸措伏讀國家比日綸音其規模節目粲然可觀而其曰斥邪扶正其曰培養土氣云云雖文具若左右輔弼因此善端之始萌將順其美則一言足以興邦其此時之謂乎賢座方入直而有此好消息豈賢座有協贊聖功之力而然耶來書不言其梗槩甚鬱

答權子厚基德

二月四日書三月十五日始獲奉於塵案以吾遠行先於書三日也信後江月再拙伏惟德候蔓旺日用玩理漸得次第道復早春西遊漢師應制不中乃東歸抱川得拜勉菴先生又東北之永平謁重菴文丈獲侍數日浩然增氣也目今耶蘇猖獗上自衣冠下至臺隸其言動猷爲非洋則倭非倭則胡識者之寒心久矣今見二丈聽言觀行其人獸之辨夷夏之分理氣分合議利子賊之判已成畢生家計而使吾孔孟朱宋之道賴而不墜不亦壯哉示喻持敬之說三復瞿然內訟不暇大抵居敬一事正是爲學根本田地於此不用其力雖讀得多少書將奚以哉復平日常病於此以立志以定其本居敬以持其志窮理以明其善力行以踐其實立四大題目而以有宋四子之格言之論隨手類聚錄成一冊以爲時時寓目而心得之心得之而作實體之之資未知高明以爲如何

答金周胥宗宇

頃柱巧違迄今悵歎文生短折痛傷何言哀兄以一年之知猶且愛惜無已如復者十年手足一朝如斷實由自家賦命崎零之致復誰怨尤也聞渠歸也戀戀兄我不置情理亦宜奠憐渠平日趣向之好資地之善構數字誅曷足以寫意哀中撰誌來復先生已行於吾先子桐谷老爺之墓爲渠屬銘知渠者非哀兄伊誰若得脚下安且成三字以埋其幽堂渠應瞑目於地下矣千萬頌亮

與宋原孝曾憲

前秋一別豁然作隔歲人瞻悵曷喻即日陽德方泰君子道亨不審道養有相體氣珎重復萍水之踪經年未歸尙作達城之客然幸得平日同門知舊種種相問稍慰澗寂華族希舜近做得甚工夫此公明敏好學本領最正叩其所存不勝欽歎李君道應志學有年資地甚好若無指引善導之良師友不免有偃偃述

路之歎今聞來依軒下贊賀無已伯丈曾見我以半上落下之說戲之復亦
以戲言報之來書以怒言加之是豈平日相愛之道耶好笑好笑餘祈爲道加
愛

答全彝叔希大

兩書逋報一勤一慢奚止三十里也前承中庸圖批辨老兄有憂道之深而無
見道之實奈何大抵此圖綱維森然位置井井天人性命道之體用未歷分明
而來教未悉其曲折他人百倍用力者一筆句斷曰如此如此雖三尺童子豈
肯服從耶所論猥筆辨全失栗蘆本旨老兄平日恐未見兩翁全書先橫了是此
非彼之心空然葛藤奈何詳味盛辨大槩專以蘆沙之見反斥蘆沙若世之有
眼者觀之老兄之言不免小兒堅瓦屋甚可畏也南澗記意寄甚好求言之教
敢不從命但韓文公脚下汗流籍湜豈能動得脚板耶奉呵奉呵

答全彝叔別紙

冲漢無兆朕者理也而其乘流行之機則氣也云云一蠹理氣說下同
按栗谷答牛溪書云理雖一而既乘於氣則其分萬殊此段所論脗合於蠹翁
所云理乘氣機之說也奇蘆沙納凉私議首言分也者理一中細条理因拗出
理有偏全之說矣反讀來諭云萬殊者理也一原者理也此一段已踏奇氏磨
驢之跡今反陽擠而陰助者何也
夫誠無爲則至善於未幾之前可見而所謂太極也幾善惡則偏正於方動
之際可審而所謂動陽靜陰也云云
按朱子曰誠無爲實理自然何僞之有卽太極也幾善惡幾者動之微善惡之
所由分此陰陽之象也蠹翁所云誠無爲太極幾善惡陰陽盖本於此今來諭
以誠無爲謂聖人之無爲幾善惡謂賢人之事若以誠無爲謂聖人之德則可
以幾善惡謂賢人事則不可焉有賢人而有善有惡者乎
夫立志之不強學聖之不能止扣翰如之馬黃鉞白旄之中止屹然不汨於
萬仞之岡則其強其毅爲何如哉云云
按朱子曰立志以聖人自期當以破釜甑燒廬舍但持三日糧示士卒必死爲
心來諭則以爲借伯夷發明聖人無所不至若先有此志而後乃行此義非知
聖人者也云云未知何所據而有此逕庭之說也蠹翁所論翰馬萬仞之喻取
譬學者立志之事而今吾子援引聖人以壓之無乃不可乎

答曹景行秉夏

龍華一別阻成涯角晨夕勞仰政自冲黯何來一書珎重入眼使人披豁以審
省餘進修慥慥令郎過庭問業亦爲篤實健羨不已見今人物渺然家有佳子
弟世間萬事此外何求願善導我方以成就其材也如復者賦命崎零叔弟敬
三乘今年運氣而化去且膝下無育其慘怛景色難以言喻史抄方洗一本以
整頓連被士友之相招不遑啓處耳尹兄明肅月前遭大故不知老兄尙無通

問否近日同門知舊如老兄及明肅德七煥五諸公散在各處會合無期尤不勝孤立無助之歎愚意每年一次期會一處以攄鬱甚好而的無其所或者以爲濫溪書院道路稍均不審以爲如何仙鄉是江左之巨鎮昔吾先子桐谷先生 穆陵初服嘗教授州學想其遺風餘韻不昧者存焉尙未能一番觀光其學校誠可歎也早晚當扶杖躬往以償夙願矣諒下如何

答鄭應善鳳基

前辱歷顧獲承疑誨今又錫以寵章慰喜曷勝示喻亭文命意老兄前此既有昭陵之見至若江山風物會亦相羊而寓目矣今反以題目爲問而尙且惜其下手耶幸須煞用注意賁此窮巖是企耳圃翁年譜別本老兄之平生精力可謂盡在於此矣以故先師之跋語本爲老兄立言士友之公論專歸於老兄之功有耳目者皆可詳矣今此携論出於尊門一兩人中甚可訝鬱也大抵此事顛末吾嘗詳聞於希穉者而希穉不在雖無可徵然吾耳尙不朽亦足可信矣勿慮如何令姪欲釐正師集板本垂喻鄭正然第埃其一場會議故遷稽至此千萬俯亮

與安進士穉章成煥

歲末滄溪一別便成涯角尤不禁馳想也卽日寒令伏惟兄體震良味道神相復吟病江舍百憂撼心平日有得於士友之間者漸歸烏有每中夜仰屋撫躬自悼刊役遺集與政經秋間才了畢而又損千餘銅買得人現成屋子以爲藏修之所各用諸費支判之出供外上不貲令人代悶也年譜中面托云云業已剛去而某人尙有不平之氣存諸胷中每對朋友種種致意於兄我兩人甚可笑也本集中爲所后云云昨見心翁以爲依本文恐好而諸君以何故而有此葛藤耶復亦無以爲答不審老兄以爲如何公立夏間爲亂離所驅栖屑東北今才入處整頓矣適逢希堂於龜洞暫此布腎未知何日照崇聽耶臨紙忡悵

與楊希道在輝

疇昔洛東之遊樂乎吾人俱是壬戌翁也今年是壬戌而今辰非七月旣望乎東坡老人以丙子翁而何故作此遊於此歲乎然則吾人今日之遊勝似坡翁不可無一言記其蹟故畧倣坡翁赤壁賦體調聊賦一篇伴呈須與江左諸友同看而一笑也

答韓希穉愉

人物性同異之論近嘗參考諸家說其論各自不同盛喻之就兩邊折衷不爲無據蓋天以二五之氣化生人物有此氣具此性人物所同者天也是卽理也這裡人得之爲人物得之爲物所稟之氣不同故所受之理各隨而不同其所以不同之實以其所稟之父母各異也此所謂天地之氣人物大同而父母之形人物不同故也就看天地間凡有血氣有知覺之物爲然天下之有情無情

若動若植莫不有五氣而生故亦莫不具五行之理朱子論草木柘槁之性曰但其所以爲是物之理則未嘗不具矣詳味此言可見天下無無性之物性卽理也理何嘗有多寡增減時節耶不爲物而偏不爲人而全但以人觀之有仁義禮智之名正所謂仁者見之謂之仁知者見之謂之知者也豈有五者具性有墻壁遮欄窠窟乎但以其分之殊則其理之在是不能不異故人爲最靈而備禽獸則昏而不備初非天地氣和之罪也但生乎父母者不同隨其形氣之不同而其性有能通不能通之異故也程子所謂人則能推物則不能推者是也妄論如此伏乞裁喻

答族君景溫基相

前承手命無便未及奉報而聞重堂回昏之日在邇欣賀曷旣吾家此宴以吾目覩近代初事舉一世而言之亦不易得是日會鄉黨朋友族戚宴飲以樂之豈非孝子慈孫之心乎景溫家計自是冷淡而如此窮春諸百何以營辦爲之奉念也顧無以相助敬模朱先生壽字法墨以獻諸重堂以爲禱頌之資耳今四五日間意欲進拜堂上未間千萬奉老自愛不宣

答李校理種文

歲暮寒程御者踰嶺過丹邱而止宿於黃山云不知緣何而致此也承書不勝驚歎使來聞報擬乘山陰雪夜之興訪老兄於剡溪未到鏡湖興已盡矣如或老兄慕仰德溪夫子之遺風明日訪我於山陰府與之周旋於換鵝亭遂同車而入安陰府歷登光風樓推尋蠹老之徽蹟自此而兄歸關西我同湖南不亦可乎留俟面論

答宋舜佐浚弼

昨春因沙月便垂狀實荷不遐之盛眷而若無便風修復迄稽感與悚并寄來弁文辭理兼備仰認老兄筆力至老不衰歎羨曷喻靈峰老子奄棄後學吾徒益孤傷痛不自己所論理氣說雖或有之難以卒乍間臆草姑以其眞影贊一本伴簡付呈幸須賜覽而點竄如何今行歷訪江左諸士友而施到星山欲向仙廬而聞御者在外未免虛徐而歸知之於賢者果是命也臨紙增悵不能之情伏乞衛道自愛以副遠悃

與閔武伯達鎬

數昨歷顧山齋兄爲正叔而我爲董五經矣今者薄暮江肆一醉我爲南冥而兄爲德溪矣迢迢驛路黃昏送別今人斷腸日夕夢想之餘戲作一詩而呈似倘爲浮世一笑之資耶可呵

答安景元孝鎮

月前自海嶽歸歷過汾城西望硯山所謂伊人宛在一方雖欲溯流而從之末

田也已徒切秋水蒹葭之懷曾日月之幾何白雪滿山一片飛鴈帶書而至盥
讀再三備悉比來動靜老兄與天嶺諸朋友翱翔於光風霽月之濱做得數日
塵外之遊疇昔吾之觀於海者自謂難爲水矣今老兄所得在吟風弄月之趣
吾之所觀可謂風斯在下矣可呵同文堂相招敢不翼如但先世夫日在迫不
能奮飛歎如之何便忙略伸惟照亮

與族姪應章憲洙

若哉人間世使吾兩人隔參商動機旬昨夜庭蘭獨秀今朝蟬聲益清耳目所
觸寸寸興懷此時不能一來耶復曾前未造之主今才造了凡百且未備入廟
以中元爲之三從叔家傳此奇是企耳

答朴玉汝熙理

一幅書可感不遐之厚意年來朋知零落惟有兄我一二人在世惟諾踈涼甚
矣然每因輪情傾膽之際反被世人多口若坐此懲吹便作相忘江湖則停雲
之悵猶爲歇後奈吾身上麗澤補過何哉世間悠悠都付之一笑或魚鳥赤壁
泉石仙遊速朋謀酒峨我冠博我帶高談滌衿以露我天機不亦可乎草木之
開花敷葉鳶之飛魚之躍何嘗要人道好避人道不好亦從吾所好而已

與許英七變

昨昨承疑談論踰時足慰懷仰第惟居不越境交亦自早相過百遍意愈未闌
猶未嘗以尺素相悉抑又何哉如復者不嫻於文辭朋友往復臨紙記情未免
手不從心已發旋縮者種種矣况兄孺梁大方發軔正路游刃恢恢目無全牛
是豈復之所做文字之地乎淨友常有寤寐之難忘者而既承記語之託尤感
不遐之盛念雖竭盡瓶糧敢不副應但所識之空疎何

與金松隱煥豐

一別湖山聲息兩阻是豈吾兩人老境情事耶不審春和起居何似復衰狀日
甚魂不守宅每應接之際朝忘夕替便作木偶人想符到不遠殊極自憐頰囑
齋記重違勤意牽率奉副無或見笑於大方家耶

答許判官萬璞

示喻縷縷足見雅意所存吾於老兄家事豈不注心但所執者公平二字而已
外此一毫私意不能間其間者兄亦諒只矣大抵修史之法須積費十數年功
程然後乃知其單方不在他在我一心之邪正取舍而已孔子以聖人修春秋
猶曰其文則史其事則齊桓晉文其義則某竊取焉然則文非吾文事非吾事
只是所取者我而已矣噫復閱歷東方五千年之史羅麗以上其文或未備其
義則別無便私之端但李朝自有黨論以來史無公筆然其取舍之道有一術

書國家事取野史則野史直筆也書儒林事取國家史則國家史是直筆也其取舍之分如此然後史可完矣不審以爲如何尊先祖節度公事果是寃矣今人錄於訓將李浣之下諒之焉

答金華允琪永別紙

諸侯不服暮云云

此恐不然禮雖言諸侯絕大夫降然朱子以爲尊同則不絕不降所謂其絕與降者尊不同之親也

喪服帶下尺朱子引廖西仲用布半幅橫於衣下謂之腰家禮則衣長過腰足以掩裳上際而無別用布之文二說不同於何的從

楊氏家禮附註帶下尺別用布辟領三加之說備要因之而遂成東方禮家遵行之鐵案矣但別用布蓋本於廖氏橫綴衣下之論然初不明言其可否又無加領之說而但曰衣長過腰是禮家正文也故增解加領與別用布位舉而非之先賢之論當以後出者爲是也

曾祖在而父先亡祖後沒則代父而當服祖以斬服斬則祖之重傳之於己曾祖之重尙在於曾祖無乃二重之嫌乎

曾祖在而承祖之重是祖與曾祖分爲二統矣父沒而不代服祖之三年是使亡父不成子道於祖矣二者之間如之何可也必須歸重於曾祖而推父之志伸祖三年之喪庶乎可也

今人拜法家家不同未知於何折衷

朱子曰古人之拜正如今道士拜二膝齊下又曰先以兩手拱至地乃頭至手也今依此倣行可也

程子曰君臣以義合有貴賤故拜於堂下父子主恩有尊卑故拜於堂上若婦於舅姑亦是義合有貴賤故拜堂下禮也朱子答李晦叔問曰子婦一倒恐不當有分別程朱之論不同何也

朱子之意以爲子與婦不當分貴賤故曰子婦一倒拜堂上然柳開仲塗拜堂下之文編次小學以此觀之拜堂下亦不爲無據更爲斟酌如何

延陵季子適齊其長子死葬於贏博之間孔子往觀之曰季子於禮合矣程子則以爲觀季子所處要之非知禮者也程子之論與孔子之言不同何也旅中之葬是禮之變也而季子能深其坎不至於泉其斂以時服既葬而封廣輪掩坎其高可隱也孔子所以善其合於禮矣既封左袒右旋其封且號者三便有老莊之意此程子所以爲非知禮者歟

太中葬伊川主祭未免奪宗云云

明道父子已沒而長孫昂尙幼昂之母改嫁于章惇之家于斯時也昂靡有室家而託於伊川矣伊川所制廟儀家必有廟廟必有主况昂已無家而其母又不當入廟乎故伊川不得已引正幹亡則旁枝爲正幹之義以主太中之祭然此等變禮是伊川之不幸也故朱子斷之以亦不見得是如何

與鄭衡七璣淵

春間一宵聯枕實出積年戀仰之餘但江湖浪跡滄浪自取栖屑東西殊極自
憐比來因先文印役留連達府業已旬朔矣兢齋慕峰兩兄種種承接而重齋
居憂故未能源源賢吾衡七可望而不可親曷勝忡黯遙想仙齋蕭灑左圖右
書除却世間萬事玩樂涵養究得師門一副真訣栢悅可量奉際未易臨風切
切

與朴鎮五熙邦

杜門素居萬念如灰中夜起坐老懷作惡平生故舊老者死生者離沈隱侯詩
反爾同衰暮非復別離時者正吾人今日道也隔江西望只自浩歎貞山文字
方收拾而將付印云此卽尊門之厚誼也復平生與此公往復甚多然所存者
無幾略綽抄送諒之如何

與金秘丞霽漢

昨冬秉牌造門覲德心醉顧此窮鄉淺劣何以得此於左右哉不審比來省履
有相進修益篤遠外馳仰復歸來嶺表一味油認何足云喻仰囑先祖三賢紀
年弁首之文想不置忘域而下手矣竊念農岩老先生實爲吾梅雲先子之彌
甥則執事於此役必自別於他人之祖先也宗儀設印于達府故遣人申請伏
乞崇鑑

答朴翰林海昌

戀頭荐承惠覆感領盛眷至意詎可忘也亭記之修潤仰認高明之文章見識
迥出人右有才無才不及三十里也見今人琴俱亡之秋得此大方家於同門
之內自是斯文有可傳之地喜幸無窮靖窩記自料亦不滿人意茲更點竄以
去幸須另加校讎而回教伏望耳高景閣記依本文點檢早晚袖而寵臨如何
如何

與尹公瑞

昨冬判袂思欲一會於仙齋丁寧信誓可謂息壤在彼矣但事不從心因循支
遣尙爾留連於洛東江上矯首西望延鳳泉石之間未嘗不懷仰高風也方以先
祖文烈公實記謀印之意不免再入達府何當遂未遂之願得與仙門群彥促
膝唯諾以罄竭所懷耶

與朴聖章

頃者兄枉而我未返今也我返而兄已歸近日之事殆若迷藏者然仙遊之會
昨日與若于人設小酌各賦數篇坐中不無少一之歎白眉兄相過亦復後時
歎之曷追分韻一日第棟成之句而棟棟字付白眉兄以去幸賦送如何

答趙子雲縉奎

歲末兩宵承欵勝讀十年書自別仙庄透迤鐵城巴陵之間輒到丹邱歲已暮矣與諸宗族守歲于鍾山方束裝言旋之際兄書忽至驚喜奉讀慰敵對晤以審尊候迓新多福何等仰賀佳什奉以三反爲之爽然固當續和而臨發忽忽胡草不成禮

答金松溪

天借奇緣路出仙庄獲承清誨且從群彥之後翱翔於泉聲嶽色之間飽德心醉歸臥巖栖徒勞夢想意禱惠以先施珎重翰命自郵而至盥手三反以審道况有相示諭縷縷辭旨縷縷意寄鄭重不有學之正造之深豈能得此哉書末俗學釣名之弊此固然矣又有甚於此者學問工夫最怕本領不正往往以是爲非以君子爲小人自陷於詖淫邪遁之科而不悟也可歎可歎新詩兩絕可歌而愧乏高牙檀板無以和之徒切歎仰

答權道中璣煥文明中在燁希天在道

二童子來三友寄音同墜塵床得之若驚杜門離索見絕於人者久矣今左右之縷縷若是感荷曷喻示喻縷縷槩見三兄文詞漸長句句砭耳言言刮目非有心地穩疊意思漸新則能如是乎哉然道中以來汝終篇明仲以誠薄鳴謙皆好意然專以責己爲貴而未知交人以道之意古人不云乎其分若疏而所關至重此意不可不入諒也三書合復欠敬

與朴治爽

斯文不幸尊世父寒松先生奄棄後學益孤之痛知友同情况左右誼重至親兼以師友之益者乎悲痛何以堪遣令從秀才其間成就而當克家矣相別數年凡百不能記有而徒切遠外馳情而已因石峴書備悉大槩寒松遺稿方收拾而付之刊刷云吾林之幸也

答李希瑞昌鉉

每入星山瞻望仙庄未嘗不追慕高王母之自出益切敦嫻之思所以年前一叩高門歷訪諸賢史講世道舊償其夙願中間歲月荏苒路阻且長便風陡絕何幸今者來栖于近界意謂更接英眇據此情緒匪料今便承以手命辭旨縷縷已極感篆書未觀善補過之語儘是故人愛余之厚意鳴謝不容喻世故多端奉際未易臨紙忡悵

答文周尙奉郁

古人云學須靜也賢座今日靜討一室可謂靜則靜矣是外靜也有內靜一段事賢座其知之乎所謂內靜者心爲主也若中無主宰而外面徒求曠閒寂寞之

濱以居之何益之有哉心之作主有術敬以直內是其方也若論其工夫則亦不過整衣冠尊瞻視勿忘勿助而已能如是則寂然之中不散亂不昏昧應事則身心俱到表裡相應事物之間酬應不差毫忽不失請試之如何時難得而易失事已過而追悔願賢座勿失此時汲汲努力

答文周尙

向者頰詢疑禮備要所引疏說終是說不透父喪中母亡而父服未除則不能伸母服三年之喪云是豈情理之所妥當者乎大抵父在母喪不能伸三年之體者以凡喪父在父爲主故也若父已死而服母之服猶服父在母喪之服則是非惟待死父以生存也恐不免以父之妻服待母服之嫌也又有難安者以父服未除之故而母喪題主所以亡室書之可乎近看增解先儒多以疏說爲謬而雖父亡未葬前猶伸母服三年之體依此行之似乎無疑矣

答族孫子敬瑾相

示喻人物性本然氣質同異之說近日汾西學者議論頗與此邊有多少攜貳奈何奈何盖告子之論性認氣質爲本然也故孟子闢之以爲太牛人性不同所謂不同者非謂氣質不同也乃本然不同也朱子云氣猶相近而理絕不同是本然不同之說也本然不同者何也盖人物之性一源之初未嘗不同而以分殊觀之則人稟人之理物稟物之理此所謂同中有異異中有同也吾之所聞如此

答族孫子敬

昨日所詢疑禮并有喪中前喪禮過時不祭之說朱子已有定論而吉祭則有改題主遞遷之節恐不可以併廢也按沙溪答李白江問祖母喪吉祭當俟父喪畢後行之據此則君家前喪吉祭追行於後喪禮後明矣忌祭云云禮未畢則是喪事未畢也合祭考妣之說太甚徑庭因用喪中行事之例似甚穩當更考如何

與河聖洛祐植 鄭平彥衡圭

一別文山思之黯然昨因薰卿回自那上叩悉比日動靜稍慰怒如之懷復昔疾今愈遠近朋友不鄙顧余是可樂也平彥所囑墓表略加槩括而伴簡付呈醜婦之顏雖粉粧何益惟在明者之裁擇焉亭韻重違勤意牽率副應自看過了陋不可讀一覽付丙如何李君景瞻以陶山家學北遊中國方自靈峰門下歸擬訪兩兄而進見想欣握矣

答李致達柄燾

前書想達大抵近日修譜事以此身情境言之有大是難處之端若從星則丹之年少白眼相視若從丹則星之諸宗疾首相告此所謂笑啼俱不敢也兩間

之木疾風四至安能獨保乎朱先生嘗恨盲廢不早正爲渠道也竊欲溘然無知而已固當扶杖一晉以鳴其不平之懷諸生之問學者難可謝遣起送兒子替身以謝凡事幸須與渠相議如何

答族弟性謙道長

白首殘骨遠棄故土流落殊方生理冷淡不能支吾乃者還鄉允君委存饋以旨酒生鮮今賢從又遠垂惠問推詡太甚有不堪承當仍審靖養起居增休膝下二難逐日上齋溫理舊業便有成就之望其樂可想若一向因此做將去振吾衰敗之門復之無似與有榮焉寄來標題妄加點竄而入錄耳駙山建築實賴湖南士友之不棄朽物爰得晚年藏修之所分幸何喻

與崔敬存秉心

昨夕期會可謂息壤在彼而明燭以焮登音尙寂篤信君子或有食言之時耶想自醉於朋來之樂不能暇及於他事而然也際此挾書律之世樂得英材而教育之此一事可見執事能扶持世道於不扶持之中也屢賀不一賀而止焉

答李敬直教達

曾以世德編事作一書付郵矣今荐承寵章頓無見書之報或浮沈而然耶可訝可訝大抵 純廟庚寅譜世德編可謂完成矣然其所錄中見漏者往往多名卿碩德故今不免追補耳但有狀文者因此填補可也初無文獻之可據而膾炙人耳目者亦有之不得不隨見聞而收錄焉方現成抄本至 長陵之賢而止摠四五十板此間物議我李之人物自 長陵以後別無事業之可書者不如只將今現成本一卷付印可也未知尊意以爲如何

與權應現球煥

鼓山集校讎之不公前因整軒李丈槩聞良齋田丈不免有唇舌於其間也彼蜂柳之辨明錄雖未見其議論之如何見識之如何然誣記我先師淵翁所未言之語錄欲籍以爲渠們同室相鬪之矢的其爲用心大是不良而所謂吳震泳者又欲斥柳而扶良翁因指斥我先師所未言鼓山若信不及何必師事并毀良翁云云之謬說張皇鋪排隱然若淵翁真有此事門生弟子包羞而未改者然是豈尊其師於至公至正之域者耶大抵近世學者務爲好勝苟其師言也不問其是非曲直一體信之如神明才有異其師便攻斥不遺餘力可勝歎哉噫吳書既曰曾見宋原明面質此事知以爲柳錄之誣我先師而反以八條未解者貶損淵翁曰含糊之見曰強事朱子云者是豈尊畏先輩之人乎且其書中所論沙溪禮說不祧廟高祖出安別室尤翁不信師說而還奉高祖云云大全誠有此說然復嘗瞻拜尤菴不祧廟其高祖出安別室此是尤菴家一遵沙溪禮說之明證夫豈尤翁所不是之禮性潭雲潭剛齋諸老先生行之於祖廟耶是未可知也淵齋不信尤翁云云是何說也金襄毅公以降虜被誣而尤菴作金遼東伯墓碑

未詳其實跡書以降虜者也淵翁得考據老峰諸賢伸冤疏知其謬而改正焉是其不信尤翁者乎同春神主尤翁不書職名而淵門人書其職名銘旌云云此段可見吳氏之無識甚矣同春遭削奪之禍而葬時尤翁引伊川遭元祐禍不書職名之已例而行之若曾無削奪之事而不書君賜之職名是豈人臣待君以禮之道乎所當辨者甚多而辨之待無益故止此而已願吾友如見良門人以此知照使吳氏知所改也

答鄭性七珪錫

閏月自湖寓歸臥故山墳菴隨分飲啄若粥飯僧模樣遠近幼少輩挾冊問字稍慰澁寂際此哀疏忽至因循逋答慢莫甚矣書后日富不審孝履支重惟憂隨新涼蘇醒否示喻窮廬之歎問藥於老而無聞之死物旋切愧汗然以吾所聞輒復陳之昔星田先生嘗言死字粘於額上生理根於心間愚嘗以爲格論未知哀孰能信得及否臨風倩草不宣

答梁聖贊

歲云暮矣懷人政動意外令郎袖致惠問使人心惶示喻縷縷仰認謙貶求助之盛意然但恐自身收拾不上更何顏向人說得諸般道理耶竊矚令郎資地甚好漸有向上之意若得賢師友與之磨礱浸灌亦足爲法家佛士但今歐羅風潮漲天而至最所可畏願以千萬人中尙知有己八字爲過庭之訓至可至可

答李致善教宇

頃者得足下書盥漱三反初不能以句再不能理會文字看玩十回覩見其遣辭立言之彷彿有以知足下妙年家計能自許以文章其文奇偉宏博迢迢鬼秘神彰非枯儒諛聞所可涯涘曷勝驚歎但竊有所貢患者足下其亦聽之抑吾聞之文者載道之器也唐虞相禪其丁寧授受要訣不過曰允執厥中其君臣告戒之語不過曰都兪吁咈聖人之辭簡矣自三代迭興治亂相濟聖賢之言不得不長秦漢以下則去聖愈遠士趣不正學者各以其術肆之至今二千餘歲聖賢之道寄乎文辭之間而世之專尚文章者競以葩藻是事雕繪是務去道遠而聲學不傳足下但當自今刊落枝葉敦本就實以聖賢之道爲希望則文章未嘗不自這裡出來足下其亦念之哉

答族姪安甫定洙

得奉手墨可認所存之彷彿大抵心之體虛靈燭物有覺覺乎此則昧乎彼覺乎彼則昧乎此不可二用也故曰嗜欲多者天機淺近世學者於讀書邊天機淺於名利邊嗜欲深故趣旨凡陋根基不立存養不厚平居問學只得倚靠師友苟且放過而無至誠惻怛之味其故何哉良由自家一箇心覺乎彼而於此邊用功徒以頰舌假借了今詳來示誠意藹然有惻怛之味見於言外與今之

學者絕異焉何等可愛但恐獨處啣唔無朋友之助合下固滯易生穿鑿之病幸須平其心易其氣使之開廣地步展拓胃襟暇日就近方先覺尊其所聞質其所疑當時雖似無益退省其私自家意思之長長地頓覺非舊樣人試思之書末云云果是同舟之憂救已無策安能爲人謀然惟一箇義在這便是吾家計以此爲依歸法焉

答鄭平彥

初夏歷訪已感不遐之盛眷但歸轄凌遽未能攄髮積之懷殊以爲悵茲承惠書使人披豁况示以講學輔仁之盛意者乎今又因仲實之相過細悉其曲折仙庄士友樂聞此事前日共修之約漸有頭緒聞此奇音悅若蟄虫之聽雷音也何等歎仰但如老物者白首讀書不能做一箇好事以爲世所棄四字畢竟作蓋棺之法門良可浩歎幸須與仲實子眞諸君敦成此事以起已頹之士風幸甚

答沈景晦相福

來喻心該體用之說說得好性爲心之體情爲心之用故謂之性爲心之體則可性爲心之宰則不可謂之心能尊其性則可心卑而性尊不可妄論及此不覺悚仄不審明者以爲如何

答文希道桂泰

復今年二月作湖西之客三月入鎮安留連旬朔還歸故土老杜詩所謂潭泊西南天地間者正是爲我道也匪意一幅音悅若天外發驚喜奉讀如對眞面然因循逋答者意謂尊門方有事于敝鄉故或因此而庶幾遇之聲音尙寂還切怒焉史抄汝恒方以許可事上京云然未知末稍之如何耳

答李仲實基秀

示喻讀書未見其效云云昔余見雲藍鄭子於湖上問讀書而多遺失奈何鄭曰此固吾人通病頃年有人自京中相過者吾見他問是病他曰是無傷也子不飲食乎飲食而遺矢遺矢而飲食顧吾遺矢彼飲食之力何能扶吾些子氣力耶若以是廢食便死了夫然後知飲食之有補吾身也此言最善名狀君自思三兩年讀書得力不得力非奇特想今年非去年人今日非昨日樣此是得力消息莫須作掇且尋覺非路頭方是學

答李仲實問目

學者立志雖飢寒之至以不負卷中人作畢生家計然方其業不離案之時猶不絕怠慢之習况在他曰萬端世故朝夕牽柔之時乎理義無窮歲月有限恐負素志何以則可
努力崇明德皓首以爲期掘井不及泉猶棄井

與姜茂汝栢淳

東鑑之役再次整頓業已脫藁然恨不得次第梳櫛於令叔父丈在世之日也
溫公作通鑑以爲平生精力盡在此書吾於此書亦云爾近日湖嶺間士友將
欲劖劖而行之其意可感大抵此役仙門群彥與松溪李令家子弟可謂後先
注措者也則日後之責固不在吾一兩人家耶臨風布聞統希崇亮

與韓道章恒

令伯丈文章見識如許磊落學問本領又如許正大誦其詩讀其書恒切望洋
之歎人孰敢涯涘於其間也然第見其文集中有一二誤勘處所以來人言不
己幸須察焉前者溪上諸公皆以爲爲先師復讎是何等大義曾無疏首之名
而私作代人疏印布于世淵門無人之歎可知矣吾答以此疏韓友聞吾爲疏
首之名而實爲我作也然時任校正之役者不填吾名而恁地鶻突吾故知而
不言者嫌於沽名也豈意今日衆論之如是奔騰乎諸議皆言速速填名無使
見者有訾毀也今秋因心翁文集事往遊溪上宋友原孝又道鄭庸齋金領松
之言曰愚山集代人作疏首尚不填名緣河故也厚山勸死云云某亦何人妄
有此等論說而韓友固分疏正當然如此不近理之說載之集中是大不商量
也右兩件謬誤若不早自釐正此集不忍尊閣於淵門几案之上吾聞此而噓
唏曰吾亦今夏間與隣友權應現偶閱愚集見此段謬說始愕然曰某也於何
聽聞無根之說而韓友之分疏如其明正也然此等文字校正時初不當入
錄也大抵愚山集校正時年少輩一兩人主管使渠之所親者初校而徑走繼
華島過我門而我實不知每恨目不識丁者虛負平生之友於九原也不意今
者携論踏至以吾不敏之過上累先師下及亡友罪不容赦願吾道章千萬怒
諒改者改之刪者刪之內而慰乃兄之素志外而安此漢之私分幸甚幸甚且
有仰懇者吾黨中自相潰裂日甚一日奈何奈何近聞良齋門徒以柳敬堂所
記語錄事詆斥我先師不遺餘力故石南進士抵書於柳痛辨其語錄之謬誤
其曲折取覽其書可悉矣先師嘗言元城好命亡友亦言猶恨盲廢不早賢師
良友先見之明琅琅在耳益不禁江漢秋陽之思也

答朴文一熙純

頃承示及知有着力於窮理之學慰喜可量竊矚此間朋友一向倚靠渠儂之
空疏不肯放下己功所以相聚雖久所得只鏤冰而已前頭寧有所成乎所論
必可之分大槩得之然恐不可以功夫功效看也但子思所言以學問思辨爲
主此本文正義也呂氏之說推廣本文所未發將變化氣質四字來解正義其
勢不得不然更詳之且有奉告者看書必須字字句句反復推究然專務爲此
廢涵養本源之工亦非爲己之學也幸須對案靜坐虛心切己優而游之玩而
樂之久之必有不知手舞足蹈之時節更乞留意以副親庭之望每念尊大人
付託之意恐傷其明顏無己當體此加勉至幸至幸

答文子華鍾龜

隔歲阻澗不禁停雲之思比日花煦不審省履晏相馳溯憧憧復新寓凡百去益辛酸加以衰病日深無以自振想就木不遠自憐而已三憂堂老先生墓儀聞賢史極力增修以光先德平日固知賢史之宏量大度非恒調人比而見此一事尤庸歛衽也日前長興華族來言蘆山碑文曲折之多端而又請其尾語不敢辜負遠來之盛意牽率構成以去早晚想關聽矣幸須與貴門諸賢考閱點竄如何

與李奇彥鎮億

窮居涖寂無聊甚矣或無一來相慰以破壹鬱耶似聞欲爲親代勞傳掌家事親老口衆其勢不得不不然然講學幹蠱本非兩事朱先生嘗以此意惓惓說及於劉平父不審吾友平日講論及此否平父之門庭浩大其兄樞密公嘗出仕於外而卓國夫人又年老在床奚暇講學而先生說得如此耶尊門雖大恐不及劉願吾友將聖賢之言切己以幹蠱二字看作講學中事事餘則學學餘則事此正是真學問也若遠事絕物凡然獨坐只讀古人之糟魄是濟甚事願吾友加之意勿爲老生常談而棄之也

答族君豐烈

戀頭承以惠覆足慰渴仰况審省愉之玆勝者乎老物來此數旬家信頓阻殊極憫鬱此間世廟之役業已告功將以來月上旬奉安祀板爲料顧此重役惟性模君獨出其力不日成之深喜吾門之有人也今番一齋集重刊事亦然若非賢宗與金君永采之賢勞豈能有所成就哉神道碑云云恐不商量世間無物不成有何餘存之物而復圖此事耶尾語鄙文本不足用而只緣當初與龍南丈謀及重刊之顛末頗詳故姑存之耳以愚見則近世諸賢文集皆有新舊序跋須與院中諸士友相議新受序跋於東江令念齋兄以附尤菴玄石二先生舊文之後事甚妥當

答諸道源世禧

屢承顧存慰此窮寂深感不遐頰詢人物性同異之說前輩固言之詳矣不必更踏磨驢之陳跡然重違下問之勤不敢不陳所聞幸須察焉大抵人物之生同得天地之理以爲性而其性或不同者氣質偏全之有異也同得天地之氣以爲形而其形各萬殊者陰陽合變之不齊也其故何也理一而分殊也比之穀同受太倉之穀而所受者多寡之不同升釜斗斛大小之異也其異在器而不害其同得者太倉之穀乃是一也以是思繹太牛人性不同之實可瞭然矣退詩章句之未解者割疑詳之取看不妨且愚於章句之學固陋甚矣謬問至此不覺駢顏然以吾所聞詩貴涵泳他性靈不貴玩心於章句之末慎勿揀難爲問就平易明白處玩味焉則見得自別諒之焉

答族姪伯述祖洙

白首族牕作隔歲未歸之人悠悠魂夢頻於宗黨故舊之間况賢者之憂我切者乎晨夕矯首徒切浩歎郎因兒子來承以手滋欣豁可量且審齋居尋數以補前日之架漏尤爲斂衽老物只緣兩件印役尙未出場聊且栖息龍山遠近來遊者甚多而相與講討消遣世慮亦足可樂示喻母先亡而葬後父亾者入母之殯將事云云所論旣以攝事爲言此是的當之論復何疑焉祝文則措語以爲孤哀子某攝告于顯妣某封某氏可也喪中凡事亦當依父在母喪之禮恐不失事死如事生之禮也更乞裁喻

答族姪伯述問目

母先亡禫後妻從服淺淡服可也來喻所謂純素無已太重乎宗家無廟而支子別立廟之說似涉徑庭朱子答劉平甫以爲支子不祭然若宗子在他鄉而不能與祭當以紙榜標記祭畢焚之更商如何

與吳景台采烈

駟山石刻事近至何境淵門誰某人標題各受以呈下諒如何昨見同門諸友面論此事皆云此是吾林之美事大抵士林之尊慕先賢各在當人之盡其誠而已何必承諾於本家之子姪以從違也先生在世之日李丈用明旣受師門之命留刻其姓名於洞中則後來移刻以侈其規尤亦美事人孰間於其間哉鄙聞如此諒處如何

答族姪孔賔鎔洙

戀頭一札奚啻百朋兼承所付物實感愛予之至意也示喻云云備悉其曲折矣盖光州世廟一自殷相氏沒後奇鄭二孀獨任家事而使支孫攝祀于今八十年今元圭之子入系洛圭之後主鬯有人實是吾門之慶幸但聞世廟之祀板方在壁龕是豈使聞於他人者哉勢不得已以今月內躬往光州請宗婦奉祀板踰嶺而來權奉于安谷影堂興安君影幀之側且將置祭田建祠廟於沙月以俟八月忌日奉安神主以行祀事爲定乞將此意布告丹晉宗中可也

與族姪亨煥璋洙

前夕承松湖李寢郎郵報將以再明日加冠其子招余以賓賓不可以無贊君須束裝下來往彼相禮可也新豐之約待此回便歷訪似好

答宋希舜洛憲

前承訃音於客館人海中率易修狀語失巴鼻恒自瑟縮不安日俟誅譴謂外獲奉手疏辭意懇惻尤不勝歉悚信後湖月再朏伏惟孝體聯床支重復半死

之朽物兩年來有事于大宗移違先祖景武公世廟於丹城又重刊一齋文敬公之遺書於泰仁潭泊西南日事撈攘所以尙稽匍匐躬唁之行辜負平日相與之誼只增忉怛而已

與李周憲鎮模

晨夕開戶凝望山亭對英眇不遠矧又賜枉促膝娓娓據所未盡究所未悉者乎嘗愛賢者才敏氣豪將來不伏作阿世曲學人樣子顧此人物渺然此等資格豈易得哉然所望於賢者者屈首做況潛涵養之功以固其本源田地則其效當自倍矣此非我私言從古英雄豪傑自這裡出來也乞更尋譯

答李奇彥鎮億中彥鎮萬會百鎮千子衡鎮權問目

鎮億問人之生理本直而罔之不直得生何也鎮萬曰以理言之則罔雖生而非生也以氣言之則不直而生者蓋多矣如人之不善便是氣使之也驗之世間人生不善而得長壽者非理如此氣使之然也鎮千曰罔之生也其心不自直當死而僅免於死是疣生也鎮權曰罔之得生者蓋天以生物爲心故有欲生之之理而無欲殺之之心此夫子所謂罔之生幸而免也歟諸說大槩好詳看集註生理本直四字可見人之生也直以理言之也罔之生也幸而免以氣言之也鎮萬之言尤極親切

百里奚宮之奇皆虞之賢大夫也而百里奚知虞之將亡而不諫然則宮之奇以其或幸而不亡而諫歟

百里奚知其將亡而去去者知也宮之奇慮其將亡而諫諫者忠也二子之行雖不同而皆可謂賢大夫也

答玉山影堂儒生別紙

窃嘗聞之師釋菜古之大學祭先聖之禮也記曰大學始教皮弁之服祭先師以蘋藻之菜以尊敬道藝也故是祭也非大學不可也有司非掌大學之職者不可行也然朱先生當南宋學校頹敗之際隱然以斯道自任設學宮於滄洲率諸生行此禮是亦先生眷眷於斯道而不得已之故也凡今之人專不識朱先生不得已之意假託滄洲之遺儀人人行此禮家家行此禮無亦僭分之事乎且我東先賢無有能行此禮者如退溪之大賢以慎重之意不敢行於陶山栗谷欲行於石潭而未果只須修學規立書院以尊先賢迪後學若吾先師則時以成均之長亦不敢行此禮嘗於栖碧亭奉朱宋二先生眞影率諸生焚香行瞻拜禮訖設講讀法一從栗谷學規今若行之當依此遵行似好耳

答李性華榮浩

歲末花田館把酒分張便作雲端人卷中人悠悠素抱無時可泄料外一幅恍若來自天上奉以三反其章如瓊其人如玉寶玩無數書中所憂一邊風浪便是自起自息于我何事姑且任之而已但貴近爭鳴之喙尙爾啾啾不是細憂

百世源源之地洗垢而索疵恐非祖宗以來相傳之家法且况陶隱文忠公婦翁我李之前後大同譜以南陽洪師普載錄而今以是執責彼之無識何足道哉

答李子文翰熙

別來歲換思之黯黯匪意忽承情札蘇感可言書后日富不審所履珎勝大度鴻休復歸臥寒館無所肖似示喻縷縷足見吾友所存之彷彿但四七之說自退栗以後爲我東聚訟之痼痼固不敢質言然近看靈峰之論以朱子四端理之發七情氣之發爲千古不易之正論復自解其說曰性理也心氣也四端發於性故曰理發七情發於心故曰氣發性無不善故四端純善無惡心該真妄故七情有中節不中節靈峰見此而贊道曰所論四七之辨語語精透確得程朱真傳此瞽見所以偶合於靈峰者也或不免世儒汰哉之誚否僭妄之極罔知攸措書末所示誠正治平聖神功化分上達下達看恐不成說聖神功化此是聖人格致處固不可以達不達爲言若乃誠正治平之工是大學自下而上達底次第階級今以下達爲言無乃不可乎語涉支離餘萬姑縮

答文德夫永哲

承德夫書有以知德夫之用心德天果能接吾之書而識吾之心未吾之心無他只望君輩掃置他事一向着意於簡編上工夫以光吾黨寔吾之幸德夫須諒會焉則亦德夫之幸也惟照亮

答金和允鍾協

一別驕山兒孫笑啼朋友唯諾森然入眼未審老兄寢食起居之節無頓減平昔否馳溯憧憧復自踰嶺以後入處松溪墳菴遠近來學者擔簦而至殊不寂寞兒子回暫此布聞伏乞情亮

與鄭宅新鍾燁

颶風告警古人之災爲今人之祥昨夕偶感此事輾轉不寐只切風雨鷄鳴之懷而已未知賢者能信得及否良可好笑舟村之約可謂息壤在彼矣臨風申請若興到三兩日間賁然聯筇恐好恐好

答族弟孔承道源

故山知舊尙無一人以書通問者而今吾賢弟遠施手命之勤厚誼何可忘也以審省愉靖謐尤慰尤慰示喻備悉其曲折禮支子不祭而朱子答劉平父書以爲宗子遠仕他國祀板旣奉去則在家之支子以紙榜祭之祭畢焚之尊家近日之事亦倣此行之於長房似好祭用醴酒恐亦無妨而鄙家世嗜清酌故沽而用之然苟且甚矣但以事死如事生之意推之思其所嗜而薦之或無害於情義否

與族姪亨彥徹洙

數昨德川之役無撓反稅耶楸岡實紀印役業已付工若非吾亨彥尊祖之誠豈能成此事哉深喜吾門之有人也景晦其時相緯繡而不得見方歸巢之行路出彼邊當相訪而更梳櫛其抄本也一齋集重刊之役將告訖而自刊所累次相招今行不得不赴顧此衰物一生多事良可浩歎

答閔薰卿泳馥

類詢三条疑義實出體認自得之妙三復喟然不勝贊賀但有所未盡輒復陳之大抵窮理非一端讀書者不可不窮理然天下之物莫不有理必須窮夫理於一事一行識得是非邪正之分方是真箇窮理也若不然而徒守紙墨議論穿鑿傳會別生崎貳反害窮理之工也居處恭固是居敬之美法然巧言令色足恭聖人既恥之而恭而無禮謂之勞故恭近乎禮方是致敬之節度也不審賢者以爲如何末端尊師承奉教令云云賢者之言駟不及舌也夫師也者道之所存也故尊之也以道不以趨走承順爲恭也今之學者不然苟其師言雖曰樹上生薑信之如神明其流之弊反使其師陷於斯文之罪人是其真尊其師者乎重違下問之勤略貢愚衷更乞裁喻

答李采汝教翼

掩戶吟病茶然蝟縮非意德夫相訪承以手命脫然若沈疴去體以審比日動靜何慰如之俯囑亭韻神思衰索不能率爾奉副夜間若意到則當構呈矣

答姜元實在華

色目之說盛論大槩得之以吾所聞君子有君子之黨小人有小人之黨但君子黨少小人黨多是亦陽一陰二之故也然以當時之形勢觀之千伯夷而一盜蹠也以百世之公論言之伯夷而千盜蹠也老物平生畏謗訕而不敢出頭也今偶被諸宗之所牽引置身於大同譜丁乙之所真所謂畏影而走乎日中者也令人仰屋薰卿不知種種通問否此郎資地甚好其間進步未知何居心實願聞逢場此紙雷照

與族姪施普

昨冬愆期君爲息壤人歲首歷訪我作題鳳客居在莽蒼之地一日不見如三秋況此行遠隔天涯地角者乎多少已與尊府爛熳下必翻縷年老途遠不知何日更與吾施普滿酌論懷於窮山寂寞之濱耶臨紙增悵

答族孫華允熙斗

向日之突弁見存如見元賓矣今日之手字示及悅奉尺蔡也可驚可喜久而不忘于懷且悉書中所憂可謂憂終身之憂人家後生無此等之憂故未免貽

憂於父兄師友而汝之憂如此此心可以振起衰替之門也但有奉告者朱先生嘗以講學幹蠱之并行不悖眷眷爲劉平父言之汝其留意焉

與金士仰泰永

昔我相別凍雨成雪今我相思春日載陽意謂相思之際庶或德音相將以罄壹鬱料外仙庄群彥重繭遠存備悉近况足以爲慰但以無一字手命爲恨及聞貞伯之言則賢座一向思老夫不置云始知尺書不如一面面交不如心交他何可道惟益自勉厲母負先府丈平日期望之意亦老夫區區之願也

答族姪聖薰馥洙

衰暮離憂歲窮益切忽憑兒子來承以手滋詞旨繾綣意寄玆重反覆讀之使人刮目甚矣老物之矇昧也家有名士而尙爾未知也願吾賢史及時勉學而腳踏實地以吾平日所學未免架漏牽補者取以爲戒則他山之石未必非攻玉也念哉念哉

答宋武卿秉文

前書未復荐承惠狀愧與感并以審所履愆和曷任貢慮復年來杜門塞兌無與外人干涉猶不免虎食其外之歎加以身疴闖發方以溫湯之意東出蓬萊數月周旋於金井瑤臺之間歸思忽遽末田渡江晉唔祇增忡悵

與崔靜仁重崑

獨守空山不禁室邇人遐之歎音夫子誦唐棣詩豈不爾思室是遠而之句而釋之曰未之思也復何遠之有今老夫來此可與語學者惟哀執與宅新一兩人而已宅新之徙宅如墨突哀執之執喪如子羔兩皆有所執豈肯思空山一老夫耶自憐還自歎惟照亮

與李仁瑞教仁

論山驛分張君歸湖南我向湖北勢若燕鴻殊極悵缺未諳行李利稅所履增福族未數日周旋於遯巖蘇堤之間歸來駟山木石與居花鳥爲友頓沒塵世之况他何足道哉中秋一枉之示預切欣企

答九龍齋諸生問目

李學洙問范魯公以周之宰相事宋封魯國公豈非反君事讎乎
周五胡之一也宋撥亂反正之義主也以周之臣事宋是所謂用夏變夷也范公背周事宋如麗臣之背元尊明者也
李甲相問孔門弟子之孝者甚多而夫子獨稱閔子爲孝何也
孔門弟子如曾子之養志高柴之泣血皆孝之至也然二子是事親之常事也至若閔子則其母早死繼母欲害閔子其父將出其妻閔子泣諫曰母在一子

寒母去三子單其父遂止之此夫子所以特稱閔子之孝也

李炳伍問梁惠王僭稱王也孟子勸行王道何也

勸行王道所以止僭王之事也

李道河問孔子生知之聖也年幾七十而曰加我數年卒以學易可以無大過何也

孔子晚而喜易深贊易道之無窮知不可易而學故發此歎也正所謂韋編三絕時節也

甲相問葉公不識孔子則葉公之問政問仁不止一再而不識何也

葉公問孔子於子路是不識孔子而問也至於問政問仁識孔子以後事也歟

李午相問誠不以富亦祗以異論語兩處註解自相矛盾而又與詩之本旨

不同何也

詩之爲體長於諷諭故從古聖賢引詩而取譬者只取言外之意而已不以辭害意可也

答梁柱鎬問目

魯自定公時三家四分公室季氏取其二孟孫叔孫各取其一而顓臾獨存則定公何以爲國乎

以閔子有子之所謂蓋徹及藏府仍舊之說推之三家私邑之貢稅必不得輸人其私藏明矣

答宋 在旻

昨秋入唁廬下未罄所蘊今春又因戍山展省之役歷過湖中而竟憂過焉徑歸鎮寓孝子哀疏留在案上已過旬朔奉讀再三感悚交摯信后日富不審孝履更何似乙巳陪從錄修整其論出自哀口還爲及門諸子之羞也當日陪從諸子次第淪落而老我獨存寧不悲哉哀教鄭重茲依本藁抄呈幸須與固菴丈叅看潤色不妨

答全子儒珮植

所論言言是當節節可誦數條疑問吾所以平素致疑者而賢者能發之眞所謂起余者也贊喜無涯敢不强顏以置對也茲別錄如左

別紙

文王何可當也以商之時勢看似好如此則上下文勢順矣來說大槩得之三仁俱是殷之王子而箕子微子皆爵名也比于無爵名故猶稱王子也歟公孫丑所見終不識王霸之分故其說常模糊了

聞一善言聞一言之善者也取諸人以爲善取天下人之善言以爲善者也

論語子見齊衰者齊衰喪服之總名非止謂母喪者也父喪斬衰包在其中

死矣盆城括果是其言迫切賢人之言蓋如此聖人之言當曰田也不得其死

然

舜在床琴示象以不死井中之意然萬章此等之間亦不免齊東野人之說故註說亦有此意

與朴政植

疇昔轉遞修敬尙無報訊或洪喬浮沈而致然耶或幹蠱撈攘而因循耶每南望馳情懷緒於邑言念潦倒景色與先丈事契匪夷深惜其蘭質先萎芬馥未沫故竊欲收拾在世之瓊琳寶沫又玄晏其畢生徽蹟付之手民而傳布於世在君免不明不仁之戒在我伸同心同德之誼所以再三煩瀆如此幸須鑑念

答李章夫教緝

章夫不較我無似貺以寵章其言也有章仰認其德也闇然日章矣章夫存其內發於外者如此而求言於空疎欲以表德耶竊有一言以奉告者學貴乎成章不成章不能達章夫乎勉哉

答吳在坤問目

論語三省章傳字集註謂受之於師受是學何以言傳也

學之爲言效也效先覺之所爲也傳之爲言授也受其所授而習之也曾子得聞夫子所傳之道而習之故言傳歟

본자료는 행정안정부와 한국정보화진흥원의 국가DB사업으로 구축된 재산입니다.
담양군의 공식적인 허가 없이 이 문서의 일부 또는 전체를 복제, 전송, 배포하거나 변경하여 사용할 수 없습니다.